

T

Prim  
Evan  
blig

Ex A  
PP.P  
C

in g  
ad

I  
Typ

R

# TRACTATUS

## DUPLEX

Primus: Status Religiosi notionem, ejusq;  
Evangelicam perfectionem. Alter: de ob-  
ligatione Regulæ, & Constitutionum  
Regularium

## DISSERENS.

Ex Asceticis, verè aureis operibus RR.  
PP. PETRI DIERKENS, & DANIELIS  
CONCINA S. Ords Prædicatorum  
Theologorum

## EXCERPTUS.

in gratiam novellæ Religiosæ Juventutis  
ad proficiendum in spiritu eidem pro  
speculo

## PROPOSITUS.

*Typis Clari Montis Czesztochoviensis diebus  
Julij Anno Dñi 1765.*

## REIMPRESSUS.

Porro:  
Polonæ Thebais illustri Ascetæ,  
Mensæ Nazarææ Alumno,  
Aulæ Mariano-Reginalis Cælesti  
Tullio, voce populi  
Beato!

STANISLAO  
OPOROVIO

Cum Publica Disputatione ex Tractatibus  
de Incarnatione & Sacramentis

Praefidente R. P. SEBASTIANO WI-  
CHLINSKI Ordinis S. PAULI Proto-  
Eremitæ AA. LL. & Philæ Doctore, SSa  
Theologia Professore actuali.

Satisfaciente obiectis:

R. F. Theophilo Genar eiusdem Insti-  
tuti, Præ Croaticæ Professo, 3tj Anni The-  
ologo in Rupella Diebus Aprilis Anno  
Dni. 1766.


D I C A T U S.

Aug. 7458

Patr  
Subt  
dit.  
carn  
part  
ta, i  
men  
um  
næ,  
Coll  
dum  
absc  
nim



# DEDICATIO

 Acramentum Incarnatio-  
nis, famosa *Tua* Sanctitas  
pandit, Instituti Proto-E-  
remitici gloria: *Dive STA-*  
*NISLAE OPOROVI!* Pan-  
dit inquam: cum sub *Tuo*  
Patrocinio, utriusq; Tractatus Divina  
Subtilitas, in sublime Disputationis pro-  
dit. Indisputabilis quidem est (utpotè In-  
carnatae Sapientiae æternus in tempore  
partus) verum cum *Tua* Gloriosè Athle-  
ta, inter mortales vita, genuinum Sacra-  
mentum absconditum fuerit, hinc Studi-  
um purissimæ Cœlestis Magistri doctri-  
næ, Universo Clarissimorum Virorum  
Collegio, hodie communicas speculan-  
dum. *Dixeram, Vitam Tuam Sacramentum*  
*absconditum esse; nec immerito: hæc ete-*  
*nim floridi palmeti Eremiti Paulinæ, humi*

li umbrâ pressâ, Orbi eminere, ac radi  
re nequibat. Interim quis, qualis, quan-  
tusve, hic *Divinus Hector* fuerit? Classico  
Vestro Auditorio, ex Thebæis desertis,  
vocale resonet Echo. Vix Stanislaum Lu-  
cinæ jubilans susceperat sinus, jam Ange-  
licâ puritate, fidelem Sacramentorum Mi-  
nistrum se tuturum, ac genuinam eorun-  
dem innocentiae coloribus adumbratam  
ideam, effigiasse in semetipso cernebatur.  
Originalis quidem culpæ, nescius gusta-  
verat toxicum, ast quàm primùm *Bapti-  
smales* ex Dispensatorio Cœlesti effica-  
cissimas sumpsisset guttas, ubi semel infe-  
lix ejecerat virus, ignoravit deinceps  
mortalitatis vindicias. Balneum adhibuit  
Probatice piscinæ, ut *Pœnitentiali* purifi-  
catus lavaciô, dealbatus Eremitico &  
Angelico cœtui apparuisset candidatus.  
Fontem lacrymarum aperuit, ne in deser-  
to Ascetico, Cœlestium illustrationum  
lymphâ caruisset. Et felici omine: *Con-  
firmatur* etenim gratiâ superni Numinis,  
ut Sacro Altari duplicatus adstaret Mini-  
ster, *reficiens, & reficiendus*; novusq; alter

Mel-

*Melchisedech*, in oblatione *Panis & Vin*  
celebraretur. Multiplici jam radiantem  
splendore probitatis, *Unxit* Spiritus Domi-  
ni, ut mortem quàm per *Sacramenta mor-*  
*tuorum* semel extinxerat, novamq; vitam  
per *vivorum* hauserat, eandem *Connubiali*  
quasi *vinculô* indissolubiliter in se socia-  
ret, ut sic omnium activè, & passivè fide-  
lis dispensator probaretur. En ecce! Do-  
ctissima Theologorum Universitas, initi-  
ans primò Augustissimi operis Divini A-  
lumnus, genus suæ perfectionis asserit,  
dùm perbellè elucidat ad susceptionem  
Mysteriorum Cœlestium, vitâ suâ mysti-  
cum Sacramentum in animæ suæ subje-  
cto, velut præstantissimum *Eclypon* co-  
piasse. Verùm:

Porrigit & aliud nobis Sacramentum, *In-*  
*carnationis* videlicet: dùm ejusdem in Al-  
ma Universitate Cracoviensi, celebrem se  
exhibuerit Professore, unde velut ex  
floridissimo Vireto, gloriosam reportavit  
lauream, eâdem Paulinam Palmam coro-  
naturus, ut hóc Regali Jagellonico dia-  
demmate superbâ, fortiusque pressa,



in suo Stanislao, Militanti, & Triumphan-  
ti Ecclesiæ, dulcissimos fructus germina-  
ret. Nec spes in herba: alter redivivus  
Joannes prædicans Baptismum pæniten-  
tiæ, in vastissimis desertis Coenobiarcho-  
Eremiticis, vocalissimus in Exedris *Eccle-*  
*sastes Oporovius*. Prius tamèn experimen-  
talis Philosophiæ (licet jam laureatus)  
disciplinis imbui debuerat, ut eò facilius,  
petrosa corda Auditoris emoliri artem cat-  
leret, tamq; fortis resistantiæ contra po-  
tentiam obedientialem supremo Numini  
debitam, peroptimam sciret assignare ra-  
tionem. Dogmatizare optimè noverat, hic  
*Incarnatus Angelus*, cum imperceptibiles  
profunditates, dogmatibus perfectionis,  
ac amoris Divini flammis, illustrare, ac  
enucleare clarissimè singulis, quod docue-  
rat, studuerit: unde in tantum dogmatum  
integritatis conscientiæ, evaserat Docto-  
rem, ut cum omne mortificationis, nec  
non ampliandi meriti genus, articulum fi-  
dei Religiosæ probaverit, a Laurea, ad  
immarcescibilem Coronam evocatus. Et  
quia à morte ad vitam revocando, (per  
tri-



trium resurrectionem) Magistrum immortalitatis, se esse Divinum probaverat, luculentissimè, solus fastis æternitatis Beatæ, meruit adnotari.

Jam ergo gratulabundi Tuo Honori, & felicitati æternæ applaudimus Clientes, ast supplices ingeminamus, ut: Te protegente, jubilans in sua concordia Patria, pro sua integritate, a Te Angelico Oratore, non verba, sed lilia ante Majestatem Supremi Tonantis suscipiat; Genitrix Coronatorum, Infulatorum, Mitratorum Laureatorumq; virorum Universitas, vendicet sibi a Te redolentiam famæ & gloriæ; Eremus Paulina, ex mirâ meritorum varietate, â prodigijs in Mari, terraq; desumptorum, laudis æviternæ svávem sibi excitet clangorem; soli Rupellanae Theologicæ facultati, a Tuo Nomine honorem defumenti, in Præsuleâ petrâ Martyriô cruore illustri, venerationi Tuae perpetuæ, gratitudinis tributum indelebiter restat incidendum. Dixi.

# CONCLUSIONES THEOLOGICÆ. Speculativo Dogmaticæ.

*De*

Myſterio Incarnationis & Eccleſiæ  
Sacramentis.

*Menti Divi THOMÆ Doct̃oris Angelici*

C O N F O R M E S.

*1ma.* **E**ſtò Incarnationis poſſibilitas ra-  
tionis naturalis, poſitiva tranſcen-  
dat principia, eam tamen rationi naturali  
minimè repugnare negativè probamus.  
*2da.* Ac in IESU Nazaræno jam comple-  
tam ex veteri teſtamento contra Judæos  
efficaciter demonſtramus. *3tia.* Eam por-  
rò ſimpliciter fuiſſe neceſſariam ex ſup-  
poſitione, prætandæ condignæ ſatisfacti-  
onis, pro mortali peccato aſſerimus. *4ta.*  
Præciſô autem Adæ peccato, Chriſtus

vi præsentis Decreti, minimè venisset. 5ta. Cujus adventum quoad aliquas tantum circumstantias Patribus antiquis, velut causæ meritoriz, tribuimus. 6ta. Opera verò meritoria, & satisfactoria Christi, utpotè ex se valoris infiniti, simpliciter fuerunt, non modò condigna, ac juxta rigoris justitiæ leges facta, imò & superabundans in actu primo, solutio pro peccatis totius Mundi. 7ma Undè his operibus, promeruit sibi Christus gloriam accidentalem, non verò essentialem: cujus meritis & nos, quidquid supernaturale habemus, libenter tribuimus. 8ta: Duplicem in Christo naturam in unitate personæ, physicè & realiter conjunctam, contra Eutychetem, & Nestorium defendimus. 9ma: Simulq; etiam quamlibet naturam creatam, siue ab una, siue ab omnibus Personis Divinis, simul esse assumptibilem. 10ma: Humanitatem Christi vi socij unionis hypostaticæ, spectatâ etiam absolutâ Dei potentiâ, fuisse impeccabilem, tanquàm certissimum judicamus. 11ma: Christus non habuit præceptum ri-

gorosum moriendi; & ideò libertatem e-  
jus cùm impeccabilitate, optimè concili-  
amus. 12<sup>ma</sup>: Humanitas Christi fuit San-  
cta, Sanctitate substantiali, & increata  
Verbi, ratione Divinitatis. 13<sup>ta</sup>: Præter  
hanc tamen substantialem, habuit quoq̃  
accidentalem, nempe: gratiam habitua-  
lem. 14<sup>ta</sup>. Christus à primo instanti suæ  
conceptionis, per scientiam beatam, co-  
gnovit in verbo omnia, præterita, præ-  
sentia, & futura: non tamen omnia possi-  
bilia. 15<sup>ta</sup>. Essentiam *Metaphysicam* Sacra-  
mentorum constituimus, in signo rei Sa-  
cræ, perfectè sanctificantis homines.  
16<sup>ta</sup>. Essentiam verò *Physicam* Sacramen-  
torum *novæ Legis*, in determinatis à Chri-  
sto rebus, & verbis, tanquàm materiâ &  
formâ collocamus. 17<sup>ma</sup>. Intentionem  
autem generalem faciendi quòd facit Ec-  
clesia, ab intrinseca Sacramentorum con-  
stitutione excludimus. 18<sup>va</sup>: Eam tamen  
ad minus virtualem, velut conditionem *si-  
ne quâ non*, in Ministro Sacramentorum  
requirimus. 19<sup>na</sup>: Cujus error speculati-  
vus, & prava Intentio, dummodo adsint



cætera requisita, non invalidat Sacramen-  
tum. 20<sup>ma</sup>: In suscipientibus autem Sa-  
cramenta, si sint rationis compotes, in-  
tentionem habitualement sufficere dicimus.  
21<sup>ma</sup>. Omnia Sacramenta novæ Le-  
gis sine obice suscepta, instrumentaliter,  
physicè, & quidem in gradu dispositioni  
suscipientis proportionato, causant grati-  
am ex opere operato. 22<sup>da</sup>. Quod si quod-  
cunq; ex illis cum fictione, validè susce-  
ptum fuerit, hac recedente, effectum gra-  
tiæ producet. 23<sup>tia</sup>: Secundus Sacramen-  
torum novæ Legis effectus est, Chara-  
cter indelebilis, ad secundam qualitatis  
speciem, nempe potentiam reductivè per-  
tinens: cui pro subiecto immediato, in-  
tellectum practicum assignamus. 24<sup>ta</sup>:  
Sacramentum Eucharistiæ, essentialiter  
consistit in speciebus Sacramentalibus, &  
formâ Consecrationis, ut connotantibus  
in obliquo, veram & realem præsentiam  
Corporis, & Sanguinis Christi. 25<sup>ta</sup>:  
Aqua vino mixta, nisi prius vini naturam  
induerit, non convertitur in Sangvinem  
Christi. 26<sup>ta</sup>: In consecratione calicis ad

essentiam formæ. probabilius pertinent  
tantum illa verba: *Hic est Calix Sanguinis  
mei*, reliqua verò, solum ad integritatem  
ejus. 27<sup>ma</sup>: Actio transubstantiativa,  
quâ Christus ponitur sub speciebus, est  
vera productio ipsius, quoad modum e-  
xistendi Sacramentaliter. 28<sup>va</sup>: Æqualem  
Gratiam participat Laicus, sub una spe-  
cie, & Sacerdos sub utraq. communicans,  
Si uterq; sit æqualiter dispositus. 29<sup>na</sup>:  
Incruentum Missæ Sacrificium, quod es-  
sentialiter in sola Consecratione consistit,  
in actu primo, est valoris simpliciter infi-  
niti. 30<sup>ma</sup>: Eo tempore Christus Sacra-  
mentum Baptismi instituit, quô in Jorda-  
ne à Præcurfore suo baptisatus est. Et hæc:

Ad

Majorem DEI Gloriam.

*Approbationes.*

FACULTAS

R. A. P. PROVINCIALIS.

**P**ERmitto, ut imprimatur hic Brevis Tra-  
ctatus de obligatione Regulæ & Con-  
stitutionum in Religiosis Ordinibus, sup-  
positis supponendis. Datum Tornaci 4.  
Maji, 1667.

*Fr. BONAVENTURA de MARIVOORDE,  
Provincialis per inferiorem Germani-  
am Ordinis Prædicatorum.*

FACULTAS REIMPRIMENDI

Censoris Diocesani.

**P**Ræsens libellus jam Anno 1667. II. Ju-  
lij approbatus, & Anno 1731. Coloniae  
impressus, ut iterum reimprimi possit, de  
facultatem.

**M. CASIMIRUS STĘPŁOWSKI S. T.**  
Doctor & Professor, Librorum per Diœ-  
cesim Cracoviensem Censor Die 17.  
Aprilis 1765.

**A**

Qui

Qui spernit modica, paulatim decidet. Eccl. 19.  
Ubi statuta non observantur, talis Religio est  
sicut pomarium unde quaque apertum, quod fru-  
ctus suos, non proprietariis, sed viatoribus fru-  
ctificat & reddit. S. Fr. de Sales. l. 2. ep. 1.

S. Antoninus loquens de quibusdā Religi-  
onibus deformatis, ita ait: Præfata Religiones,  
quæ cum magno fervore & vitæ sanctimonia i-  
nitium habuerunt, minima negligentes traditio-  
num paternarum, in processu temporis paulatim  
defluerunt, & exinanita sunt usque ad funda-  
mentum in eis. 2. part. hist. cap. 15 §. 2.

Si parvi pendas Constitutiones & ordinatio-  
nes sacra Religionis, quantumvis parva sint,  
Monachus non es. Blos. in spec. Monach.

Sic minora, imo minima servemus cum nobis  
possibili, sicut majora & maxima; dicit enim  
Scriptura: Qui negligit modica, paulatim deci-  
det: Diony. Carth. ser. 6. de Dom. 3.

Qui parva sine scrupulo cōscientiæ admittunt,  
insensibiles effecti, se sanos existimant, mala sua  
plangere, & vitam corrigere ignorant - - - &  
quamvis parva vulnera videantur, quia tamen  
nec cavent, ne ea suscipiant, nec postquam su-  
sceperint, debitā curā adhibent, omnino mortifera  
redduntur. Dac. Abb. in 5. T. Bibl. Patrum.





## RELIGIOSO LECTORI.

Cum juxta Doctrinam Angelici Doctoris, & communem Religiosa professio obliget profitentem, non quidem ut defacto sit perfectus, sed ut semper tendat ad perfectionem charitatis & aliarum virtutum: & quia nonnihil obscurum videtur, in quo consistat ista tendentia, & quomodo, & quantum obliget; hinc varii Religiosi anguntur, quid facere debeant, ut huic obligationi satisfaciant. Declaro in hoc Tractatulo hanc tendentiam consistere in perfecta observantia Votorum, Regula & Constitutionum. Quantum verò obligent vota, omitto hic tractare, quia de hoc egi sufficienter Tract. I. Exercitior. spirit. cap. 8. de obligatione verò Regula & Constitutionum ibidem tractavi, sed breviter. Verum cum illa res sit magis obscura, & multum ab ea dependeat bonum Religionis, requirit ampliorem declarationem, quam expono per hunc Tractatulum, idque in Regula & Constitutionibus Ordinis PP. Predicatorum, quæ


Aa

obli-

obligant ad solam pœnam & ad nullam culpam  
nisi propter præceptum vel contemptum: in qui-  
bus casibus à fortiori obligantur illi Religiosi,  
quorum Regula & Constitutiones obligant sub  
peccato. Cùm verò laxiores aliqui Religiosi in-  
telligant Regulam & Statuta sui Ordinis non  
obligare ad aliquam culpam, vel in aliis Ordini-  
bus ad solam culpam venialem, arbitrantur  
esse negotium parvi momenti liberè & frequen-  
ter illa transgredi, quod tamen valde magnum  
est, periculosum, & ruina Religionum, prout in  
sequentibus fusè demonstro; sperans fore ut per  
hoc confirmentur boni Religiosi in cuncta obser-  
vantia, laxiores verò intelligentes grande peri-  
culum suæ salutis tempestivè resipiscant.

Cùm verò materia hujus Tractatûs sit ma-  
gni momenti, & ab illa maximè dependeat bo-  
num Religionis. & concernat æqualiter omnes  
Religiosos Ordines, eam typis committere no-  
lui, nisi prius illam submissem accurato exa-  
mini doctissimorum Virorum & S. T. Professo-  
rum in Universitate Lovaniensi & singulis Or-  
dinibus, quorum censuram his adjunxi. Opto,  
ut DEUS det incrementum, & abundè fructi-  
ficer!

TRA



# TRACTATUS BREVIS

De Obligatione Regulæ &  
Constitutionum in Religiosis  
Ordinibus.

## CAPUT I.

*De Paradiso terrestri præfigurante Eccle-  
siam Novi Testamenti, eius pulchritu-  
dine & defectu.*

**P**Lantavit DEUS Paradisum voluptatis à  
principio, produxitque de humo omne  
lignum pulchrum visu, & ad vescendum  
suave, & ornavit illum omni pulchritudi-  
ne, quæ ad oblectationem posset deservi-  
re: & fluvius egrediebatur de loco volu-  
ptatis ad irrigandum Paradisum, qui inde

dividitur in quatuor Capita, Geon, Phisou, Tygrim, & Euphratem. Et posuit in eo hominem, quem formaverat, rectum, & perfectum in anima & corpore, ornatum omni scientiâ, gratiâ & virtutibus, inextinguibilem & immortalem, ut DEUM Conditozem suum ex toto corde, & super omnia diligeret. Et in recognitionem tantorum beneficiorum imposuit illi hoc unicum præceptum: *Ex omni ligno Paradisi comede, de ligno autem scientia boni & mali ne comedas, in quocumque enim die comederis ex eo, morte morieris.* Sed invidia diaboli, qui homicida fuit ab initio, mors intravit in Orbem: nam homo, qui obediendo DEO poterat esse immortalis & beatus, suggestione diaboli per inobedientiam recessit à DEO Creatore suo, audivit serpentem veneficè incantantem, perdidit DEUM, perdidit se, perdidit Paradisum, immortalitatem, & totam posteritatem innumeris subiecit miseriis. Hæc in lege naturæ, in qua omnia erant magis corporalia & figuralia.



§. Primus.

*De Ecclesia Novi Testamenti, sancta & spiri-  
tuali, & Religioso statu in ea inchoato,  
à Christo Domino & Apostolis.*

2. **A**T in Nova Lege, spiritali, & veri-  
tatis, plantavit quoque DEUS Paradi-  
sum voluptatis, sed longè perfectiorem, &  
pulchriorem, Ecclesiam scilicet Novi Te-  
stamenti, totam in spiritu & sanctitate. In  
ea posuit Unigenitum suum, novum Ada-  
mum, ut esset caput & exemplar membro-  
rum, & per sanctissimam vitam & obedi-  
entiam usque ad mortem reduceret Adami  
Posteriores ad DEUM, à quo per inobedien-  
tiam recesserant. Insuper plantavit in illo  
Paradiso vineam electam, Angelicum scili-  
cet statum Religionis, selectam illam Ec-  
clesiæ partem, florem, & pretiosissimum  
lapidem inter Ecclesiæ ornamenta; hortum  
illum fortissimè conclusum, Paradisum de-  
liciarum, sanctitatis domum, scholam vir-  
tutum, bellatorum stationem, Coelum ter-  
renum, cujus umbra cooperuit montes,

cujus propagines extensæ à mari usque ad mare, & Christus in medio ejus est fons irrigans radices ejus, & eam fecundissimam reddens. Ipse primus vitæ Religiosæ fundamenta posuit in Palæstina, & ibidem vixit in suprema obedientia, factus Patri obediens usque ad mortem Crucis: Quod præceptum ingrediens mundum lubens à Patre acceptavit, in virginea castitate, in summa & tanta paupertate, ut non haberet, ubi caput suum reclinaret. Cujus ad exemplum Apostoli suum Magistrum imitati sunt. Similiter varii illorum discipuli.

§. 2.

*Quomodo floruerit, ad diversas mundi partes  
extensus fuerit, & de flore & fructu qua-  
tuor Ordinum Mendicantium.*

3. **E**Xinde eam transtulit in Ægyptum: ubi primos Monastices Magistros posuit Antonios, Hilariones & plures hujusmodi sanctitatis Heroes. Sub quorum disciplina quandoque tria, quandoque quatuor millia uni Patri subfuerunt, & Religi-  
osissimi.

osissimè vixerunt; homines ex diversis generibus & regionibus nati, ad tantam identitatis sinceritatem coaptati sunt, ut una anima in multis corporibus conspiceretur. Qui infirmus erat corpore, multos habebat affectu ægrotantes. Qui animâ ægrotabat, multos habebat sanantes. Lites & contentiones aberant. Communis charitas omnia communia faciebat, victum, vestitum, labores, orationes & coronas. Hujus vineæ Ducem posuit *Augustinum* in meridie; in Occidente *Benedictum*; in Oriente *Basilium*; in Aquilone alios. Hi omnes in tanta sanctitate vixerunt, ut in Ordine S. P. *Augustini* recenseantur homines Sanctitate clari sexdecim millia & ducenti. Sub Regula S. *Benedicti* referantur canonizati quadraginta quatuor millia, & viginti duo. Quorum quinque millia, quingenti, & quinquaginta quinque vixerunt in uno Cassinensi Monasterio, & ibidem sepulti sunt. In Cisterciensi, Præmonstratensi, & Carthusiensi, quasi innumeri in maxima sanctitate floruerunt. Imò tunc passim omnes Sancti.

4. Tandem divisus est fons ille Paradisi in quatuor capita, sive flumina, quæ egrediebantur de Paradiso ad irrigandam universam terram. Hi sunt quatuor Ordines Mendicantium, qui in spiritu Apostolorum incipientes, progressi sunt per universum Orbem, promulgârunt Evangelium Christi, per mare, per terram, per ignem & gladios, dantes animas suas, ut perditas oves adducerent ad ovile Christi, & innumeras animas doctrinâ sanâ, exemplari vitâ, signis & miraculis extraxerunt è diabolica captivitate, & lucrati sunt Christo. Tantus erat zelus erga salutem animarum, ut in quodam numerosissimo Generali Capitulo Ordinis *S. Dominici*, in quo, nomine Summi Pontificis petebatur, si essent aliqui parati ad prædicandum Evangelium Christi in terris infidelium? Ad unum omnes responderunt se paratissimos. Hi omnes vivebant religiosissimè, in magna sanctitate, in observantia votorum, Regulæ & Constitutionum exactissimi. In maxima austeritate & mortificatione corporis, per jejunia,  
fla-



flagella, catenas ferreas, cilicia, &c. Hi sunt viri Apostolici, æquui fortes & varii, qui rhedam Evangelicam deduxerant in univ-  
ersum Orbem. Hæc est florens illa vinea, quæ dedit odorem suavissimum cunctis populis. Hæc sunt ligna plantata in Paradiso  
producentia fructus honoris & honestatis.

Sanctissimæ Virgini *Theresa* revelatus fuit latissimus campus, quem *S. P. Dominicus* cum maximo exercitu Sanctorum Filiorum occupabat, qui omnes heroicè decertârunt contra Hæreticorû antesignanos, & principes eorû dæmones infernales. Quorû nomina scripta erant in vasto volumine, quod eidem Virgini tradebatur. Non minora referuntur in *Chronicis Seraphici Ords*, ac *Montis Carmeli*, in quibus floruerunt doctrinâ & sanctitate præstantissimi Viri sine numero.

§. 3.

*Invidet diabolus, quarit diversa media destruendi hanc spirituales Vineam, & longo tempore non potuit.*

5. **A**D talem phalangem ipse diabolus accedere metuebat, vincere desperabat,

se perdere cernebat. Ea propter antiquus ille serpens, & callidus tentator, qui primum Paradisum destruxerat, variis modis tentavit ingredi hortum hunc conclusum, nec potuit. Quid tandem fecit? Convocavit omnes principes tenebrarum, inivit consilium cum suis, quâ viâ id perficere possent. Unus inter illos cæteris callidior suggessit, ut viventibus *Dominico & Francisco* quiescerent à laboribus suis: futurum post mortem illorum ut multiplicatis cœnobiiis reciperent ad Ordinem nepotes ex affectu carnali: adolescentes sine zelo perfectionis, delicatos & assuetos deliciis: Nobiles, ambientes dignitates: Doctores, arrogantes ob doctrinam: ac tandem pro conservatione Ordinis cogerentur recipere quosvis: ac proinde tepesceret tunc zelus, frigeret charitas, flaccesceret observantia; & ita facîle possent intrare hortum istum, pro tunc nimis fortiter conclusum, & vineam hanc electam devastare. Placuit consilium omnibus, expectârunt opportunum illud tempus, & immiserunt vulpeculas

las diversas in vineam istam, ut eam valide demolirentur: incipientes à minimis, ne nimis paterent ipforum insidiæ, & sic via disponderetur ad majora. Nam callidus hostis ita decipit, cum nobis persuadet, parva non magni facere, inquit *S. Anselmus*, sciens, ubi parva negliguntur, quòd totus Ordo paulatim dissipatur & destruitur, cum sine parvis istis stare non possiat majora, (inquit *D. Hieronymus*.)

## §. 4.

*Incepit illam cautè destruere à minimis, & successu temporis eam destruxit in diversis mundi partibus, & quibus mediis.*

6. **I**ncipitur ergo hujus electæ vineæ devastatio à parvis dispensationibus & dissimulationibus; sensualitas incepit habere locum; exercitia spiritualia flaccescere, oratio mentalis, meditatio, recollectio quotidiana, examina conscientiae, reflexio super omnia opera sua, communicatio sui ipsius apud Superiorem, seu quod apud nos Capitulum quotidianum, sive de culpis vocatur, pro sola forma, & non seriò fieri,

vel omitti, hæc & similia ad vitam religiosam traducendam omninò necessaria. Inde ulterius progressum est. Ad quid (inquiunt) tot Constitutiones, quæ retineri non possunt? Sufficit nobis Regula. Post hæc iterum: Ad quid toties legere Regulã, quam tenemus memoriter? sufficiant nobis vota. Tandem eò devenitur, ut vulpeculæ fiant vulpes, & devastent vineam, usque ad fundamentum in ea. Recipiuntur divitiæ, augmentantur census, fiunt Monasteria magnifica, portantur pecuniæ &c. Cum his (inquiunt) stare potest paupertas spiritus. Servi DEI debent benè tractari, nihil ipsis deesse debet, ne cogantur illa quærere apud sæculares. Ibi radix incontinentiæ, nã venter plenus est seminarium libidinis. Non in omnibus (inquiunt) parendum est obedientiæ. Struuntur convivia, invitantur amici, reinvitantur Religiosi, deseritur Officium Divinum, negligitur studium, fit frequens conversatio cum sæcularibus. Finaliter verificatur illud Psalmistæ: Commixti sunt inter gentes, & didicerunt opera eorum

rum, & factum est illis in scandalum, & non ipsis tantum, sed scandalosa ipsorum vita perdidit innumeras animas in populo Christiano.

## §. 5.

*Stupenda & deploranda ruina.*

7. **Q**uomodo obscuratum est aurum, mutatus est color optimus, dispersi sunt lapides sanctuarii in capite omnium platearum. Denigrata est facies Nazaræorum super carbones, non sunt agniti in plateis. O quantum distamus ab his, qui in diebus *Antonii* fuerunt Monachi! Sic *Macharius* vixit? Sic *Basilius* docuit? Sic *Antonius* intituit? Siccine alii fundatores Ordinum filiis suis talia documenta reliquerunt? Væ nobis! (inquit *S. Thomas à Villa Nova*) quia solum nomen vacuum Religionis, tonsuram & habitum gestamus.

8. Plangite nunc Patres super filios vestros, in quibus sanctus DEI timor aut recessit, aut friget. Filii Sion quondam incliti & amicti auro primo, plangite super vos & super filios vestros, quod nomen Sancto-



Etorum Parentum inaniter gestatis. Sic vivendo, sic operando procul aberitis à recipienda mercede centupla, & vita æterna, quando post horam undecimam, dum serò factum erit, Pater-familias ad solvendum operariis redierit.

## CAPUT II.

*In quo exponitur vera & prima origo  
hujus ruina.*

9. **M**irum fortasse alicui videri posset, quomodo eminens ille perfectionis status à sanctissimis viris, DEO inspirante & adjuvante, ita firmiter fundatus, tot propugnaculis munitus, in quo sancta Regula, sanctæ Constitutiones, continuæ exhortationes, per verba & exempla, tot sancta Exercitia, quæ est vera Turris Davidica, ex qua mille clypei pendent, in qua est omnis armatura fortium, contra diabolum, mundum & carnem. Mirum, inquam, videri posset, quomodo fortissima illa turris, tot munita præfidiis, ita deficere potuerit. Verum enim verò si quis bene consideret, quòd perfectissimi illi Principes Cœli, tot  
gra-

gratiæ auxiliis confortati in veritate non  
flaterunt: non mirabitur, quòd lutea illa &  
fragilis creatura inter tot pericula & tot  
hostes deficiat. Quòd igitur defecerit, ita  
id fecit inimicus homo, qui continuò cir-  
cuit, quærens quem devoret. Idque dum  
homines dormirent, hoc est, dum Superi-  
ores negligentius agerent, & minus vigi-  
larent. Vel cum præcipua Religiosorum  
supposita dormitionem acceperant. Quod  
in diversis sæculis, ex diversis malis ortum  
habuit. Nam ut referunt Chronica Ordini  
Prædicatorum, circa annum Dñi 1348.  
tam horrenda Pestis desæviit per univer-  
sam Europam, ut vix decimum hominem  
reliquerit. Tunc præcipui Religiosi zelo  
animarum inflammati, ne infectorum ani-  
mæ simul cum corporibus perirent, posu-  
erunt animas suas pro animabus proximo-  
rum. Et hoc modo præcipuis Suppositis  
morte sublatis, reperit dæmon opportuni-  
tatem bonam, suffodiendi hanc mysticam  
Turrim.

Aliis quoque sæculis arripuit ansam per  
bel-

bella & hæreticos, invasit Ecclesias, Monasteria devastavit & concremavit. Sacerdotibus, præsertim Religiosis, gravissimas persecutiones intulit, & immaniter occidit; adeò ut crudelitatem inexplicabilem, quam præcedenti adhuc sæculo exercuerunt totam ferè Europam, singulariter tamen in Partibus nostris, non tantùm cognoverimus ex Historicorum monumentis, sed Patres nostri, qui hæc viderunt & experti sunt, narraverunt nobis filiis suis. Quid igitur mirum, quòd diabolus in occasione adeò desiderata ita profundè suffoderit Religiosam hanc vineam, destruxerit maceriam ejus, ita ut omnibus præterentibus patuerit desolatio ejus!

10. Contra quæ mala hoc nostro sæculo omnium Religionum Superiores indefessè laborârunt, ut quæ collapsa erant, restaurata conservarent, & ulterius promoverent. Idque cum ingenti profectu, in tantum, ut modò in singulis Religiosis communitatibus ubique Religiosè & regulariter vivatur, & in illis quamplurimi veri & sancti

Re-

Religiosi inveniantur. Quorum bonæ famæ nihil officit, quòd inter illos reperiantur aliqui diffformes, dissoluti & falsi fratres: numquam enim seminatur tam purum triticum, cum quo non metitur lolium: & ab initio non fuerit tam sancta familia, in qua non aliquis degener & perversus fuerit. Prout *S. Augustinus* ostendit à Cœlo Empyreo, & ab Arca Noe usque ad collegium Apostolorum inclusivè. Per quæ descendit bonam famam domûs suæ, contra quosdam obrectatores, qui ex paucis perversis volebant optimas communitates infamare.

II. Volens igitur sanctis conatibus bonorum Superiorum utrumque cooperari, & diversorum desiderio facere satis, qui dudum desideraverunt, ut ea, quæ in Exercitiis spiritualibus nimis diminutè à me scripta erant, magis ampliarem: hunc parvum tractatulum scripti, ut obligationes Religiosæ Regulæ & Constitutionum magis explicarem. Idque non ex proprio cerebro, sed ex sensu Sanctorum & Majorum

nostrorum, ponendo breviter hinc & inde eorum verba, & brevitatis causâ, sæpius solum sensum. Qui hæc latius legere desiderat, legat *Traëctatum* illum, quem totum conscripsit ex sententiis Sanctorum Patrum doctissimus P. M. *Joannes Baptista Lexana*, Sacri Ordinis *Beatæ Virginis Mariæ de Monte Carmelo*, cujus exemplaria à pluribus desiderantur. *Zanchez* in decalogum cap 4. § 5. *Peyrinus* tom. I. c. 15. per totum. *Julius Negronius* in *Traëct. Ascetico de Cura Minimorum.*

## §. I.

*Declarantur causæ propinquæ bujus  
ruinæ.*

12. **U**T igitur diabolicis istis machinationibus efficaciter occurratur, opere pretium erit in primis detegere callidas illas foveas, per quas Satanicæ illæ vulpeculæ ingrediuntur myrticam hanc vineam, ut vastari possint.

Tales foveæ sunt neglectus Orationis & Exercitiorum spiritualium, quæ hîc superius retuli, aut tepida eorum executio, ni-



mia extra Monasterium evagatio, nimia familiaritas & inordinata conversatio cum secularibus, tametsi specioso titulo fieri videatur. Ostendit *Granatensis*, quòd tales subinde lucrentur aliorum animas, & suas perdunt. Otiositas & neglectus studii, exemptiones, privilegia, & indiscretæ dispensationes, ambitiones, divisiones per diversas ligas, negligentes Prælati, mala educatio Novitiorum; & communissima fovea est negligentia & contemptus seu parva æstimatio parvarum Constitutionum & regularum, per quam imperceptibiliter destruuntur florentissima Monasteria: hoc ultimum potissimum in sequentibus declarare intendo.

## §. 2.

*Ponitur remedium, quò ruina restauratur.*

13. **Q**uid igitur factò opus, ut his malis alterius occurratur, & eliminentur? Nihil profectò aliud, quàm illud ipsum, quod Sapiens præscribit, dum ait: *Capite nobis vulpes parvulas, quæ demoliuntur vi-*

*neas.* Capiuntur tunc vulpes parvulae Satanicæ, quando in Religionibus minima quæque in Regula & Constitutionibus exactè observantur.

Quapropter ut perniciosæ istæ vulpculæ à religiosa ista vinea excludantur, & hortus iste fortiter concludatur: necesse est amplius declarare fallacia fundamenta, quibus innituntur Religiosi illi transgressores, & illa efficaciter refutare, & fallaciam declarare, ne habeant ulterius ansam ad excusandas excusationes in peccatis. Nam cum proditur dolus, cum fraus aperitur, cum vincitur falsitas, rectissime tunc dicitur vulpes capta, inquit S. Bernardus Serm. 64. in Cant. Allegant itaque tales Religiosi, aliàs boni, in sui excusationem illa, quæ in sequentibus fusiùs declarantur.

## CAPUT III.

*Ponuntur excusationes, quibus se excusant transgressores in transgressionibus suis, & refutantur.*

14. PRIMò igitur allegant, quòd Consi-  
tu.

tutiones sunt res parvi momenti in ordine ad perfectionem.

2. Quòd hæc ita faciunt cum licentia & dispensatione Superiorum; & quòd illum vivendi modum sic invenerint: & quòd maxima pars communitatis, & multi Viri docti sic vixerunt, & etiamnum vivunt: ac proinde quòd Constitutiones & antiquæ illæ Leges per contrariam Consuetudinem, & legitimam præscriptionem sint abrogatæ.

3. Dicunt: Illæ Leges etiam si adhuc obligarent, obligant solum ad Veniale, per quod non possumus excludi à Cælo.

4. Dicunt alii: Regula & Constitutiones nostræ non obligant ad culpam aliquam, sed ad solam poenam, ac proinde non minuitur per transgressiones perfectio, ad quam obligamur.

§. I.

15. **R**espondetur ad primam excusationem, quam prætexunt continui transgressores: quòd in Religione exactè observare Regulam & Constitutiones, etiam minimas

mas, est res magni momenti, continet maximam perfectionem, addit illam votis, & conservat vota.

I. *Probatur*: Quia diabolus, volens destruere Religiosam observantiam, incipit à minimis, ut supra dictum est: Ergo à contrario, qui vult in se construere observantiam, debet à minimis incipere; quia hoc parat viam ad vota, sicut observantia votorum parat viam ad servanda Præcepta, inquit S. Thomas quodlib. 4. ar. 23. & sine illis difficile est, servare Præcepta.

II. *Probatur*: Ex verbis SS. Patrum, quos citare ad longum omitto brevitati studens: dicunt etiam, quòd Religiosum ad observantiam, etiam minimorum, impellere debet cordialis amor DEI & perfectionis virtutum, ad quæ tendere DEO promisit: insuper & ædificatio proximorum, ad quam præ omnibus Christianis peculiari obligatione Religiosi adstringuntur. Præterea quòd nihil est parvum, quod DEI causa sit. Quod DEO placet, & ipsi gratum est. Quod DEUM ipsum meretur in mercedem

Qui à minimis incipiunt, in maxima pro-  
ruunt, sive in bono, sive in malo, & Chri-  
stus ipse *B. Magdalena de Pazzi* mandavit,  
dicens: Tanti facias Regulam, statuta &  
vota tua, quantum volo ut me æstimes. Et  
de parvis defectibus & peccatis inquit *S.  
Bernardus*: Nemo dicat in corde suo: levia  
sunt ista, non curo corrigere, non est ma-  
gnum, si in his maneam venialibus mini-  
misque peccatis. Hæc est (inquit) impœ-  
nitentia, blasphemia in Spiritum Sanctum  
irremissibilis.

III. Probatur: Christus dixit *Mat. 5. 17.*

17 Quod non venit solvere legem, sed adim-  
plere: adimplevit legem, & maximè perfe-  
cit illam superaddendo ei aliqua, quæ par-  
va videbantur. Exempli gratiâ, Legem, *Non  
occides*, datam antiquis, perfecit quàm ma-  
ximè, addendo illi: *ut ne quidem irascamur*;  
ubi lex de *non occidendo* cum maxima per-  
fectione superaddita continetur in *non f-  
rasci*. Nam, qui ne quidem irascitur, lon-  
gissimè abest ab occisione. Similiter qui ita  
constitutus est, ut ne quidem venialiter ve-



lit offendere DEUM, perfectissimè implet legem charitatis, & longissimè abest à mortali odio. Quam perfectionem accipit ab observantia legis in parvo, ut videtur. Similiter ergo respectu voti castitatis maximum quid addit, qui ne quidem vult oculum figere in muliere, quod habet ex observantia Regulæ. Iterum: Qui nihil vult recipere, quod non statim plenissimè submittit liberæ dispositioni Superioris, perfectissimè implet votum paupertatis. Perfectissimè obediens est, qui Superiori usque ad minutissima promptè obtemperat, & causam quare sic, vel aliter præcipit, non indagat. Has perfectiones accipiunt vota ab observantia parvarum Constitutionum, in quarum observantia continentur votorum observantia, & superaddunt maiorem perfectionem. Quia Constitutiones ordinantur ad perfectionem votorum inquit *S. Thomas* infra citandus.

Insuper: Signum est evidens perfectæ dilectionis, quod aliquis ita dispositus est ut nequidem in minutissimo velit esse DE-

infidelis, sed promptè & alacriter omnia illi solvit. Cedit hoc quoque plurimum in DEI honorem. Est DEO gratissimum, & rumpit viscera misericordiæ DEI nostri, adeò, ut liberalissimè super tales Religiosos thesauros gratiæ suæ effundat, eos specialissimo auxilio gratiæ præservando ab omni malo, & promovendo admirabiliter in omni bono. *Vide latius de his Alphonsum Rodericum de Perfectione part. 1. Tract. I. cap. 9. & sequentibus.*

IV. Probatur: Ex gratiis & beneficiis, quibus à DEO præmiantur, qui sua statuta exactè observârunt. Refert S. Bernardus visionem de quodam sancto viro Gerardo, cui ante mortem revelatum fuit à Christo, quòd nulli Religiosi sui Ordinis perirent, qui diligenter observarent statuta & Regulas suæ Religionis. Idem revelatum fuit S. Thomæ, ut habetur in Vitis Fratrum Ordinis Prædicatorum. Et S. Mater Teresa refert diversos Religiosos, qui in perfecta observantia Constitutionum vixerant, sine Purgatorio ascendisse ad Cælum. Qui ve-

rò referuntur in actis Generalium Capitulorum Ordinis nostri obiisse cum opinione sanctitatis, semper ferè additur, quòd in observantia Constitutionum fuerint exactissimi. Econtrà autem referuntur in diversis historiis gravissimæ punctiones eorum, qui negligentes fuerant in observantiis, etiam parvis, suarum Constitutionum, quas brevitatis causâ omitto. Refert varias *Petrus Damianus*, & *P. Engelgræve*, in *Luc. Evangelica*, in Sermone super Evangelium Dominicæ 6. post Epiphaniam. Et in *Vitis Fratrum Ords Prædicatorum parte 5. cap. 5.*

## CAPUT IV.

*Secunda Excusatio (Quòd hæc ita faciunt cum licentia &c.) allegata refutatur.*

16. **A**D secundam Excusationem respondetur: quòd Superiores acceperint potestatem in ædificationem, non in destructionem, & vera dispensatio requirit causam necessariam, honorem DEI vel majoris boni in proximis, quæ in relaxata vita regulari non reperiuntur. Superiores sine prædictis causis dispensantes sunt du-

ces cæcorum, & subditi utentes tali dispensatione cum ipsis simul in foveam inferni cadunt. De quo subjungo, quæ habet Religiosissimus Pater Joannes Nider, de Reformatione Lib. I. Cap. II. hoc modo:

Sextò sequitur: Quòd dispensatio, quæ hodie passim in multis Religionibus fieri videtur, & dissimulationes in continua non tentione silentii in interdictis locis & temporibus: in fractione continui jejunii regularis, in perpeti comestione carniùm: in lineis vestimentis, & culcitris penneis seu lectòrum usu frequenti: in fuga à choro & cantu Divini Officii in usu tonsuræ & habitibus prohibitis: in negligentia studii litterarum: imò potissimè in appropriatione pecuniæ & similium, quæ in Regula & statutis sunt prohibita, non sunt dispensationes, sed dissipationes; in quibus nec Prælatus potest dispensare, nec subditus talem dispensationem accipere. Apud multos igitur obtinet vulgaris ista definitio: Dispensare est cum licentia infernum intrare. Hæc ille.

Et in detormatis & relaxatis communitatibus, non oportet sequi majorem par-

tem, quia ibi major pars ingreditur amplam & spatiosam viam, quæ ducit ad perditionem. Et forma vivendi non à pluribus, sed ab honestioribus sumenda est, inquit *S. Bonaventura*. Tales sunt, qui vivunt regularem vitam in professione promiserunt, quamvis in numerosissima communitate forent solum duo vel tres. Excusatio illa, quod talem vivendi modum ibi invenerint, non indiget responsione, sed emendatione. Et viri docti sic viventes, præter commune peccatum transgressionis, peccant gravissimo peccato scandali, quod vitam suam non conforment sanæ doctrinæ coram pusillis.

Neque habet hîc locum præscriptio ad abrogandas Constitutiones & Regulam; quia nullo tempore, quamvis longissimo, potest peccatum præscribere contra virtutem, nec malum contra bonum.

§. I.

*Refutatur 3. Excusatio.*

**Q**UOD 3. alii produciunt in excusationem suarum transgressionum, nimirum, quod  
Re-



Regula & Statuta non obligent ad mortale, sed ad solum veniale; ac propterea se per transgressiones non posse excludi à regno Cœlorum: est indigna excusatio pro viro religioso, qui profitetur perfectionem, est responsio meri servi & mercenarii.

Ut refutetur hoc malum fundamentum, breviter referam ex communi sententia Theologorum & dictis Sanctorum Doctorum, quanta mala & pericula contineantur in peccatis venialibus, ut illis cognitis terreamur omnes, & abstineant ab illis, præcipuè Religiosi: Loquor præcipuè de peccatis venialibus, quæ committuntur deliberatè & sine urgente causa; non verò de illis, quæ committuntur per inadvertentiam, aut ignorantiam, vel fragilitatem, quæ permittuntur à DEO in justis ad exercitium humilitatis, & faciliè dimittuntur.

## §

2.

*De malitia peccati Venialis, & quàm graviter à DEO puniatur.*

18. **I**lluminatiss. Doctor P. Joannes Tan-  
B4

Ierus dicit: Quòd nullâ linguâ explicari queat, nec ullo intellectu capi, quanta malitia contineatur in uno peccato veniali, quàm perniciosum sit animæ, & quanta mala adferat eidem. In primis continet contemptum & injuriam in DEUM quodammodo infinitam, propter infinitam dignitatem offensi, & maximam vilitatem offendentis. Sine comparatione major est injuria, quæ irrogatur DEO per unum veniale peccatum, quàm si aliquis occideret proprium parentem, loquendo de injuria, quæ præcisè fit parenti.

Plurimum displicet DEO ac offendit illum, qui tam magnus est. Omnia mala pœnalia hujus mundi, ut ignes, cruces, laniena, gladii, &c. Omnes difficillimi morbi totius mundi, ut calculus, iliaca passio, sciatica, podagra, & omnia simul juncta, comparari nequeunt cum malitia unius peccati venialis, quocirca deberet quis secundùm rectam rationem præeligere millies ac millies intrare ardentem fornacem, quàm vel unum veniale peccatum deliberatè committere.

Potius toleranda est omnis mors pœnalis, imò annihilatio, quàm unum veniale admittere. Quocirca rectè quidam Sanctus: Malo dæmonum adire domicilium, quàm vel levì noxâ DEUM offendere.

Si Sanctissimæ Virgini daretur optio, utrum duorum præligeret, admittere nimirum peccatum veniale, vel videre Filium unigenitum subire omnia tormenta transacta, (si sine peccato id fieri posset) & liberare posset omnes homines ab æterna damnatione: mallet Christum hæc omnia iterum pati, imò ipsamet vellet hæc potius omnia ei infligere. *S. Brigitta de Revelation.*

Punit DEUS illud frequenter in hoc sæculo gravissimis pœnis, qui tamen tam justus est. *Moyse* & *Aaron* propter levem incredulitatis culpam terrâ promissionis privati sunt, ac morte puniti. *Oza* ob levem irreverentiam commissam erga Arcam, à Domino morte percussus interiit. *David* ob curiositatem commissam in numerando populo punitus fuit peste, quâ

paucis horis obierunt 70000. Varij Sancti Patres dicunt in his solum veniale fuisse commissum.

In futuro illud punit dirissimâ poenâ ignis, qui tamen adeo misericors est. Nam omnes poenæ hujus sæculi non sufficiunt ad levem aliquam noxam expiandam. Leguntur in diversis Historijs varij gravissimè puniti, & diutissimè in flammis purgatorijs ob leves noxas, quas videre licet in *Luce Evang. Engelg.* qui multa ibidem horrenda scribit de peccatis venialibus. Disponit quoque ad mortem animæ, sicut febris disponit ad mortem corporis. Præterea ita liberè & sine causa continuò committere peccata venialia in causa est, quòd plurimi in æternum damnentur. Quia secundum communem doctrinam Theologorum, hujusmodi liberis Transgressoribus in poenam peccatorum, negat DEUS sæpè speciale auxilium gratiæ, quando urget tentatio ad peccatum mortale, & ita succumbunt tentationi, & peccant mortaliter. Et sic progredientes, ex uno mortali incidunt

dunt in aliud; quia peccatum posterius est  
pœna peccati prioris: ac tandem in pec-  
catis vitam finiunt, & æternum damnan-  
tur. Quam doctrinam quilibet graviter ap-  
prehendere debet. Insuper pulchritudinem  
animæ maculat, fervorem charitatis, DEO  
adeo gratum, facit flaccescere. In actioni-  
bus bonis meritum gratiæ & gloriæ impe-  
dit, retardat à consecutione regna Cœlo-  
rum. Religiosi deberent plus deplorare u-  
num veniale, quàm simplices sæculares di-  
versa mortalia.

19. Et quod valde mirum alicui videbi-  
tur, sed nihilominus verum: Quod sæpè  
periculosius peccatur in parvis peccatis,  
quàm in magnis. In ore duorum testium  
fide dignissimorum hæc veritas confirma-  
tur, Chrysostomi videlicet & Greg. Ma-  
gni, ita loquentium: *Mirabile quiddam, at-  
que inauditum dicere audeo; solet mihi non-  
nunquam non tanto studio magna peccata vi-  
deri vitanda, quanto parva & vilia: illa enim  
ut aversemur, ipsa peccati natura efficit, hæc  
autem, hac ipsa re, quia parva sunt, desides*

reddunt; & dum contemnuntur, non potest ad  
expulsionem eorum animus generosè insurgere.  
Unde citò ex parvis maxima fiunt negligentia  
nostra. Chrysostomus Hom. 87. in Matth.  
Nonnunquam deterius in parvis, quàm in ma-  
gna culpa peccatur. Major enim quò citius a-  
gnoskitur, eò enim celerius emendatur: minor  
verò, dum quasi nulla creditur, eò pejus, quò  
& securius in usu retinetur Gregorius Ma-  
gnus 3. p. Pastoralis, Admonitione 34.

Hæc duo testimonia æq; efficaciter pro-  
bant, quòd in frequenti transgressione mi-  
nimarum constitutionum sæpè periculosius  
peccetur, quàm in transgressione votorum.

Ex his jam dictis liquet, quàm insipien-  
ter loquuntur, qui dicunt: parva sunt ista,  
sunt tantum venialia &c. Contra quos me-  
ritò graviter excandescit S. Bernardus su-  
perius citatus, vocans hoc impænitentiam,  
peccatum in Spiritum Sanctum, & irremissibile.

## CAPUT V.

De quarta causa, quæ se excusant Trans-  
gressores Regula & Constitutionum.

20. **A**lij tandem excusant continuas  
trans-



transgressionibus suas ex eo, quòd Regula & Constitutiones eos non obligant ad aliquam culpam, sed ad solam pœnam taxatam, ac proinde quòd per transgressionibus non diminuatur perfectio, ad quam ex vi professionis tendere tenentur.

Hæc excusatio habet majorem apparentiam, quàm præcedentes, & propterea plures per illam inducuntur ad transgrediendum: ac proinde pluribus argumentis & fortioribus refutari debet. Et omnia quæ adducentur ad illam improbandam, à fortiori improbabunt tres præcedentes excusationes. Quod ut debitè fiat, explicari debet fusiùs obligatio Regulæ & Constitutionum illarum, quæ obligant ad solam pœnam. Nam quidquid de hujus obligatione dicetur, à fortiori convenit Regulæ & statutis illis, quæ obligant ad peccatum.

§. I.

*Refutatur 4. Excusatio.*

21. **U**T igitur refutetur 4. Excusatio & explicetur obligatio Regulæ & Con-

Constitutionum, notandum est.

*Nota I.* Quod in quibusdam Religionibus multa continentur in Regulæ & Statutis, quæ obligant ad peccatum mortale, quæ constant ex verbis Regulæ. Exposuit olim R. P. *Joannes Capistranus* *Eugenio IV.* quod in Regulæ *S. Clare* continerentur 130. præcepta regularia obligantia ad peccatum mortale, quorum ferè omnium obligationem abstulit præfatus Pontifex. Ita refert R. P. *Marchant* in *Resolutionibus casu 30.*

In alijs quibusdam Religionibus transgressio Regulæ &c. obligat ad peccatum veniale: quia hæc fuit intentio Superiorum instituentium & subditorum profitentium.

Sunt & aliæ Religiones, in quibus Regulæ & Constitutiones non obligant Transgressores ad aliquam culpam, sed ad solam pœnam taxandam. Ita est in Ordine Prædicatorum, in quo Regulæ & Constitutiones obligant ad solam pœnam, nisi propter præceptum, vel contemptum, Constat ex prologo Constitutionum, *Tex-*

*in 6. litteram. & ex S. Thoma 2. 2. q. 186.*

*art. 9.*

*Nota II.* Quod præcepta Superiorum sunt in duplici differentia: aliqua vocantur præcepta formalia, quæ fiunt sub hac verborum forma: Præcipio hoc, vel illud, in virtute Spiritûs Sancti & Sanctæ Obedientiæ, &c. Et hujusmodi præcepta obligant ad mortale, etiam facta in materia aliâs indifferenti, dummodo habeat motivum multum conducens ad regularem observantiam. Exempli gratiâ: Hoc modo sæpè præcipitur, ne Religiosi ingrediantur mutua cubicula, ne ingrediantur hanc, vel illam domum: ne comedant, vel bibant in civitate, & alia similia.

Alia præcepta sunt simplicia, vel materialia, quæ Superiores sæpè faciunt ore tenus, sine certa verborum forma, ut dum dicunt: Volo, vel mando, ut hoc, vel illud facias. Et hujusmodi præcepta non obligant ex se ad aliquam culpam, nisi esset magna materia, sed in Ordine Prædicatorum ad solam poenam, ut patet ex prolo-

go Constitutionum Text. 4. littera L. & in Cap. de Novitijs in declarationibus ad textum 3. in fine. Ubi & ratio additur. Ex quibus constat, quòd Constitutiones & Regula, quæ obligant ex se ad solam pœnam, propter superveniens præceptum formale, obligent ad peccatum; quia tunc fit contra obedientiæ votum, inquit S. Thomas.

## CAPUT VI.

*Utrum in Religionibus, quarum Regula & Constitutiones obligant ad solam pœnam, citra præceptum aliquando adhuc obligent ad peccatum.*

I. **R**espondetur: Religiosos esse in statu perfectionis, non acquisitæ, sed acquirendæ. Perfectio illa consistit in charitate perfecta, & aliarum virtutum. S. Thomas 2. 2. q. 186. a. 6. in corp.

II. Respondetur: Religiosos inde perpetuò obligari ad ea, quæ perfectionis sunt, quæ obligatio oritur ex voto professionis paupertatis, castitatis & obedientiæ. Idem ibidem.

III. Respondetur: Religiosi ex vi professi.

professionis tenentur semper tendere & operam dare, ut habeant charitatem perfectam: quæ tendentia consistit in observatione votorum, Regulæ, & Constitutionum. *Ibidem art. 7. ad 1.*

IV. Respondetur: Votum professionis principaliter respicit tria vota: alia verò omnia, scilicet Regulam & Constitutiones, quæ ad vota ordinantur, respicit secundariò. Ideo transgressio votorum obligat ad mortale: aliorum autem transgressio non obligat ad mortale, sed ad solam poenam taxatam, nisi propter contemptum, vel præceptum: Quia contemptus contrariatur professioni, per quam vovimus regularem vitam. Transgressio præcepti ipsius Prælati, vel Regulæ est contra obedientiam. *Ibidem art. 9. in Corp.*

*Nota I.* Circa hanc responsionem: quòd aliqua annexuntur voto professionis pro diversitate Religionum, prout congruit eorum diverso fini, vel honestati, quæ obligant sub peccatò: ut persolvere Horas Canonicas, frequentare chorum, studere di-

diligenter *S. Scripturae, Theologiae*, praesertim morali, & controversijs, pro Ordinibus Mendicantium, abstinencia à carnibus, pro Carthusianis, cibus Quadragesimalis, pro Minimis, deferre habitum sui Ordinis, pro omnibus, non egredi monasterium furtivè, & maximè nocte, quod *Clemens VIII.* posuit inter casus reservabiles; cui vicinum est: egredi monasterium cum licentia obtenta mentito titulo, ut praetextu eundi ad infirmos, ire ad alia consortia; quia inde nata sunt sequi gravia mala in prajudicium Religionis, praesertim quando fit nocte. Idem est iudicium de similibus.

*Nota II.* Sæpè contingere, ut in transgressionibus Constitutionum, in quibus subditi incurrunt solam poenam, Superiores graviter peccent, si per illas transgressiones vident graviter relaxari observantiam Regularem, & non conantur pro posse illa emendare.

V. Respondetur: Religiosus non transgreditur suam professionem, si non sit per-

fe-



fectus, sed solum si contemnat ad perfectionem tendere. *Ibidem art. 9. in corp.*

V. Respondetur: Duplici modo contemnit Religiosus ad perfectionem tendere:  
I. formaliter, quando elicit actum hunc: nolo subijci Regulæ & Constitutionibus.  
II. Quando per notabilem negligentiam & talem incuriam omittit tendere ad perfectionem, qualis explicatur *Resp. 8.* Quod est contemptus interpretativus.

VII. Respondetur: Religiosi Ordinis Prædicatorum in transgressione suarum constitutionum possunt peccare venialiter, vel mortaliter ex negligentia, ira, vel contemptu *Iidem art. 9 ad 1.*

VIII. Respondetur: Religiosi Ordinis Prædicatorum, & aliorum Ordinum, quorum Regula & Constitutiones non obligant ad aliquam culpam, diversis modis peccare possunt, mortaliter, vel venialiter, in illarum transgressione.

1. Quando illarum transgressio provenit ex mala causa, quæ est peccatum.

2. Quando etiam sine mala causa, cum

con-

contemptu virtuali fit transgressio.

3. Quando ipsa transgressio Constitutionum est causa peccati.

Explico singula cum Exemplis.

§. I.

*Explicatur primus transgrediendi modus.*

23. **P**rimus modus, quo transgressio Regulae & Constitutionum est peccatum, contingit, quando illa oritur ex causa peccaminosa. Ratio est: Quia malitia causae transfunditur in effectum, & exinde opera alias bona fiunt peccatum: ut elemosyna data pauperi mulieri ad fornicandum cum illa, est peccatum mortale. *S. Thomas citatus respons. 7.*

Ita peccat graviter, qui ex formali contemptu transgreditur Regulam & Statuta. Quod tunc contingit, quando ideo transgreditur, quia non vult illis subjici, idque, vel ex malitia, vel quia judicat illa irrationabilia, vel nullius momenti. Ratio est: Quia hoc directe contrariatur voto professionis, quo obligatur per illa media tendere ad perfectionem. Insuper,  
quia

quia causa, ex qua procedit transgressio, est peccatum, scilicet contemptus. *S. Bernardus* ait: *Neglectus culpabilis, contemptus damnabilis est.*

Similiter peccant, qui Regulam & Constitutiones volunt continuò transgredi, & pœnas subire recusant. Ratio est: quia hoc expressè contrariatur voto Professionis, in quo promittit vivere secundum Regulam & Constitutiones, quæ requirunt, ut illa observet vel subeat pœnam.

A talibus non prout absunt illi transgressores, qui pœnas inviti subeunt, & murmurant contra illas, ac si eis fieret injuria.

Peccant etiam, qui ignorant Statuta & Ordinationes sui Ordinis, & negligunt illas legere & addiscere: quia tales convinctur ex hoc nolle implere ea, ad quæ per professionem se adstrinxerunt; quocirca talis ignorantia & negligentia, ex qua peccant, non excusat, quia est de illis, quæ tenentur scire.

Illi quoque, qui ex ira, ut se vindicent

contra Superiorem, murmurant tempore silentij: vel ex mera gula frangunt jejunia Ordinis, & sic de alijs: peccant quoque venialiter, vel mortaliter, secundum qualitatem causæ, ex qua moventur ad transgrediendum.

Pro quibus tamen nota: Quòd in casibus positis & alijs similibus, transgressio Regulæ vel Constitutionum non habet distinctam malitiam à malitia causæ, ex qua procedit. Ita in præsentì sufficit in confessione dicere, in I. casu, commisi peccatum gulæ in materia levi. In II. casu, murmuravi graviter, vel conspiravi contra Superiorem.

Debetur tamen illis peccatis duplex poena: una, quia sunt peccata: altera, quia sunt contra Regulam, vel Constitutiones, quæ ad specialem poenam obligant.

### §. 2.

*Explicatur secundus transgrediendi modus hic supra positus. 2. Quando etiam &c.*

24. **P**Ræcipua difficultas hîc est de continua transgressione Regulæ & Con-

Constitutionum sine aliqua mala causa, sed ex nulla, vel frivola, ex mala consuetudine.

Utrum in tali transgrediendi modo contineatur peccatum? Et quale peccatum? Quæ res visa est semper valde obscura, & ejus resolutio à multis dudum desiderata.

Ad quam difficultatem respondeo: Si tales transgressores, dum subinde advertunt suum irregularem modum vivendi, pœniteant de illo, & proponant se emendare, & utcumque conantur, quamvis valde periculosum sit ita vivere, puto tamen in illo non contineri virtuales contemptum. Quia contemptus tollitur per pœnitentiam & emendationis propositum, sive per hoc, quòd judicent se malè facere, quando advertunt continuas suas transgressiones, & ita implicite dolent, quo circa talis vivendi modus videtur pertinere ad fragilitatem humanam, & nondum pertingere ad contemptum.

Si verò illi transgressores continuo & quàmvis occasione habitâ, liberrimè transgre-

44 *De Obligatione Regula &c.*

grediuntur Regulam & Constitutiones, cum nulla aut frivola ratione, & in hujusmodi transgressionibus perseverant per hebdomadas, menses &c. Et hoc subinde advertentes, neque cogitant, neque curam aliquam habent de emenda. Tales vivunt in statu valde periculoso, & proxima dispositione ad formalem contemptum; quinimò in tali transgrediendi modo reperitur interpretativus, seu virtualis contemptus, ac consequenter peccatum, & continuò sunt in malo statu.

Imò, ut inquit D. Dionysius Carthusianus, tota taliter viventium vita est continuum peccatum. Et confessiones, quas faciunt, & sacrificia, quæ offerunt, sunt magna sacrilegia, verba illius postea referam.

*Probat*ur: Nam contemptus est voluntaria sine causa controuata legis transgressio. Ita R. P. Magister Petrus Martyr in *Summario Constitutionum nostrarum parte 2. cap. 21. de contemptu refert ex diversis*. Atqui hoc reperitur in præfatis transgressionibus, ut patet.

2. Quia



2. Quia tales transgressores per liberum illum transgrediendi modum sine causa continuatum ostendunt se nihili facere Regulam & Constitutiones. Et ostendunt eandem pravam dispositionem, quam habent, qui formaliter contemnunt, solum differunt, quod hi aperte & peiori modo faciunt, quod illi faciunt implicite & interpretative. Ponunt idem obitaculum tendentiæ ad perfectionem: & sunt proxime dispositi ad formalem contemptum; quia si tales serio moneantur, obvium est, ut respondeant: Non curo, nolo aliter facere, parvum vel nihil est hoc. Et refert præfatus Pater in præfato Summario in diversis locis, de illis, qui frangunt jejunia regularia sine causa, similiter de his, qui utuntur lineis ad carnem, qui frangunt continuò silentium, & in similibus perseverare intendunt, dicit, quòd disponantur ad damnabilem contemptum. Fuit hic vir doctissimus, & in regularibus Constitutionibus versatissimus.

Peccatum verò, quod sic vivendo com-

46 *De Obligatione Regulae &c.*

mittitur, directè contrariatur professioni, per quam aliquis promissit Regularem vitam, inquit *S. Tho. 2. 2. q. 186. a. 9. in corp.*

Si quis objiciat, quòd *S. Thomas* loco citato ad 3. dicat: Quòd frequentia peccati dispositivè inducit ad contemptum. Ergo in ea nondum est contemptus.

*Respond.* Quòd *S. Thomas* ibi loquatur de contemptu formali, ut patebit legenti eum. Cui conformia sunt jam dicta à nobis, quòd virtualis contemptus inducit formalem.

§. 3.

*Explicatur tertius modus transgrediendi Regulam & Constitutiones cum peccato.*

25. **C**ommittitur quoque peccatum mortale vel veniale in transgressione Regulæ vel Constitutionum, quando ipsa transgressio est causa peccati, vel est scandalosa trahens alios ad peccatum, vel propinquè disponit ad peccatum, vel tales sunt transgressiones, ut notabiliter emergent, vel relaxent disciplinam & observantiam regularem.

**Nam**

Nam malus effectus habet malam causam. Singula illa declarabo in sequentibus probationibus.

Pro quo iterum nota: Quòd in huiusmodi transgressionibus non reperiatur duplex distincta malitia, ita ut sit alia malitia transgressæ constitutionis, & alia sit malitia peccati, quod ex illa sequitur, sed eadem sit causæ & effectûs. Exempli gratiâ: Qui frangendo silentium litigat cum Fratre, & dicit ei graves contumelias, sufficiet ei dicere: Dixi graves contumelias fratri. Et idem de similibus.

26. Patet 1. veritas responsionis in transgressionem silentij. Nam ubi continuò frangitur silentium, non potest esse Religio, secundum quod scribit *Apostolus Iacobus Epist. Can. cap. 1* & *Sanctus Hieronymus in Epist.* Religio Sancta non potest esse in loquacibus. Et *S. Augustinus*, qui non custodit linguam suam, Monachus non est. Et sicut ex silentio religioso omnia bona oriuntur, quæ in specie recenset *Joannes Climacus in scala*, ita ex loquacitate oriun-

tur omnia vitia, quæ refert *S. Antoninus p. I. tit. 2. c. 4.*

Inter alia negligitur reflexio super actiones suas, & seria collectio sui ipsius, ad vitam religiosam tantoperè necessaria. Negligitur studium pietatis & devotionis. Negligitur studium Sacræ Scripturæ & Theologiæ, ex quo redduntur inepti confessarij in ruinam animarū, & infructuosi concionatores. De quo dicit sollemnis ille Theologus *P. Dominicus Bannez*, quod Dominicanus, qui quotidie non studet per notabile tempus, graviter peccet. Idem dicendum est de alijs Ecclesiasticis, qui habent tales functiones. Item per continuam loqueliam fiunt jurgia, murmurationes, detractiones & innumera alia peccata, per quæ fiunt quotidie peiores. Similiter qui frangunt jejunia Ordinis frequenter & sine causâ, fiunt magis ac magis gulosi, carnales, immortificati, appassio-nati, & alienati ab omni bono honesto. Et ita seipsum examinanti per alias constitutiones, apparebunt alij defectus, & depre-  
hen-

hendet post multos annos, in Religione transactos, se nullo pejorem esse, quam erat, dum Religionem intraret. De quibus verificatur illud *Thom. à Kempis*: Multi computant multos annos Religionis, sed paucos Religiosæ conversationis. Et aliud: Multi sunt veterani in Religione, sed vix Novitij in observatione. Quando igitur, & in quo, & per quas actiones tendunt hujusmodi Religiosi ad perfectionem charitatis & omnium virtutum, in quibus consistit religio, verè igitur dicunt *Hieronymus Augustinus* & alij Patres, quòd tales non sunt Religiosi, qui tamen ut Religiosi in rigore judicabuntur.

2. *Probat.* Quia continua transgressio Regulæ & Constitutionum redundat paulatim in transgressionem votorum: Nam secundum *S. Thomam* supra citatum, hæc ordinantur ad votorum observantiam, & sunt quasi nervi, quibus fortiter manet colligata, & subsistit vita Regularis, & illis per transgressionem sublati, enervatur & corrumpitur Religio. Sicut in civitate, destru-

Et antemurali & propugnaculis, facile ruunt murus, intrat hostis & vincitur civitas. Ita quoque quando Religiosus circa mandata Superioris incipit inquirere, quare hoc, quare illud, quare ego, & quare non ille, &c facile progreditur & dicit: Ego hoc facere non teneor. Tandem, ego hoc facere nolo. Similiter, Religiosus, qui contra statuta sua incipit parva incipere sine licentia, expendere, alienare, paulatim illa crescunt, & fit proprietarius. Sic etiam quando solus incipit loqui cum fœminis, deinde familiariter agere cum illis, recipere litteras & munuscula, finaliter sequitur incontinentia.

*III. Probatur:* Quia liberi illi Transgressores verbo & exemplo trahunt alios ad deplorandum suum vivendi modum, & sic paulatim destruuntur præclarissimæ Religiones, quæ à suis Fundatoribus in maximo sanctitatis rigore sunt institutæ, & cum magna ædificatione populi dudum floruerunt, idque cum irreparabili damno, gravissimo præjudicio honoris DEI, scandalo



lo-secularium, & perditione infinitarum animarum, quas Religiosâ vitâ potuissent Christo lucrari.

In talibus Religiosis locum habet terribilis illa visio *Sancti Pachonii*, quam vidit de futuro statu sui Ordinis. Illam reperire licet in vitis Patrum conscriptis à *S. Hieronymo* in vita *S. Pachonii*. Et in gemitu *Columbæ Cardinalis Bellarmini*. Legant illam, & in illa reperient lumen, quo evadant periculosas suas tenebras.

30. Tandem hæc omnia probantur efficacissimè, illa præsertim, quæ habentur in Responsione octava ex Doctrina Divi *Dionysii Carthusiani de Reform. Claust. Cap. 6.* Qui de talibus Religiosis ita scribit: *Quamvis multa contineantur in Regulis & Statutis Religiosorum, ad quæ non tenentur de necessitate præcepti, ita quòd statim peccent mortaliter, quando in aliquo fuerint negligentes, ut est observantia silentii, surgere alacriter ad Matutina, otiositates vitare, inutiliter hinc inde discurrere, atque similia; verum consuetudo excedendi, seu assiduitas de-*

linquendi in istis, & non curare, neque emendare, non potest à mortali excusari peccato, (scilicet propter contemptum saltem virtutalem) propterea Religiosi deformati, in quibus parva, aut nulla, est rigoris, aut disciplinæ observantia; qui carnaliter aut sensualiter vivunt, & mundanis vanitatibus pleni sunt, otiositati & loquacitati vacantes, in innumerabilia prorsus incidunt vitia & peccata, non venientia tantum, sed & mortalia, imò tota illorum vita est quasi peccare continuum: præsertim quia & hæc ipsa bona, quæ agere videntur, tam negligenter, irreverenter, & tepidè, tam inordinatè, atque indebitè agunt, ut magis sit offensivum DEI, quàm honorativum, ac reconciliativum ipsius. Tales enim qui in facibus suis jugiter manent, qualiter confitentur? Qualiter celebrant? Qui se in nullo emendant, imò de multis, quæ mortalia sunt, nullam sibi conscientiam facere comprobantur. Hæc ille vir, quem Bellarminus de Script. Eccles. doctissimum ac sanctissimum vocat. In qua Doctrina (quæ nimium vera est) si benè consideretur à laicis Religiosis, videbunt tanquam  
in

in speculo sordes conscientia, & evidens periculum æternæ damnationis.

31. Quapropter hæc doctrina incutere deberet maximum timorem omnibus Religiosis, tam Superioribus, quàm Inferioribus, & illos eo adigere, ut seriò recolant diem Professionis suæ, in qua sponte & sincerâ mente se totos DEO consecrârunt. Promiseruntque, quòd omnibus diebus vitæ suæ usque ad mortem vivent secundum Regulas & Constitutiones, non prout hîc, vel ibi servantur, sed prout in se sonant. Verùm è contrâ, vix emissâ professione statim prætendimus dispensationes, Privilegia, licentias generales, & exemptiones à quibusvis Regularibus observantijs, per quæ Religio irreparabiliter decidit, & redigitur ad nihilum. Quasi verò eminentissimus ille & Angelicus status totus consistat, ut maxima DEO promittamus, & ex promissis DEO nihil reddamus Insignis perfectio! Scriptum est: *Vovete & reddite DEO vestro; displices DEO stulta & infidelis promissio.* Et quod

gravius est, Superiores ad talia indiscretè concedenda quodammodo compellimus, socios in tale adjutorium nobis conjungimus, & bonis Superioribus, hæc & similia reformare volentibus toto conatu obfistimus, socios in perditionem trahimus, & posteris nostris viam ad infernum sternimus, idque usque ad diem judicij, quorum omnium peccata veniunt super illos, qui scandalum illud posuerunt. Quia ut ait Seraphicus Doctor: *Quicumque aliquod exemplum aliis relinquunt, sive bonum, sive malum, particeps est imitatorum suorum, sive in supplicio, sive in premio sempiterno.* Quemadmodum Dux exercitûs, qui permittit militibus devastare pagum, est omnium peccatorum reus, & restitutioni totius damni obnoxius. Vide notabilem sententiam S. Matris Tereſiæ de Via perfect. cap. 13.

Dignetur nobis optimus Pater præbere lumen, ut tempestivè densissimas has tenebras evadamus, ne seriùs deploremus cum impijs apud Sapientem: *Erravimus à*

*via*

*via veritatis, & Iustitiæ lumen non luxit nobis, & Sol intelligentiæ non est ortus nobis.* Apprehendant hæc Superiores, qui suâ negligentia, & indiscretâ Indulgentiâ horum omnium sunt principalis causa. Attendant quoque ad hæc omnia Superiores & Confessarij Monialium, ut illas frequenter admoneant de tanta obligatione Regulæ & Constitutionum, etiam minimarum.

## CAPUT VII.

*Sequuntur aliquæ objectiones contra prædicta.*

**O**bjiciunt I. Qui semel aut iterum frangit silentium V. G. non peccat, vel si peccet, tunc sequitur, quòd quævis transgressio Constitutionum sit peccatum, ac proinde quòd numquam obligent ad solam pœnam. Vel si semel aut iterum frangere silentium non sit peccatum, ergo neque erit peccatum centies frangere, quia omnes transgressiones sunt ejusdem rationis. Similiter potest fieri argumentum de alijs Constitutionibus.

32. Ad quæ respondetur: Quòd licèt quælibet transgressio secundùm se præcisè sumpta sit ejusdem rationis cum prima & secunda transgressione, considerata tamen cum pluribus alijs, per notabilem negligentiam iteratis, prout declaravi jam suprà Responsione 8. Habent pòsteriores aliquid, quod non habent priores, scilicet interpretativum contemptum, ut patet ex Respons. 8.

II. Objiciunt ad hæc: Esto foret peccatum transgredi dicto modo Constitutiones: attamen quòd hodie aliquis frangat silentium, foret solum veniale peccatum unum, vel plura. Vel quòd aliquis frangat jejunium Ordinis sine causa & licentia, est ad summum veniale peccatum, faciat similiter cras, & perinde, forent solum venialia: sed venialia multiplicata non faciunt unum mortale. Quemadmodum, si quis hodie in lectione Horarum omittat aliquot versus, similiter faciat cras & perinde, manerent solum tot venialia. Idem reperitur, si aliquis in parvo frangit jeju-  
ni-

nium Ecclesiæ diversis diebus, non constituitur ex illis peccatum mortale. Ergo similiter dicendum videtur, quod multiplicatæ transgressiones Constitutionum non poterunt unquam constituere peccatum mortale.

33. Respondetur: Quod quando multi actus venialiter peccaminosi uniuntur in objecto seu materia, tunc ultimus ille actus, in quo completur notabilis materia, vel in qua vult permanere, illa voluntas est peccatum mortale, ut videre licet in parvis furtis. Ut, decies furripere unum assem, sunt tot venialia, licet semper accrescant; sed quando sic pervenitur ad decimum sextum, vel vigesimum assem, tunc velle retinere illum assem cum præcedentibus, committitur peccatum mortale. Idem contingeret, si aliquis in Jejuniis Ecclesiæ eadem die sæpius sumeret parum cibi, ultima sumptio fieret mortalis, in qua completur notabilis cibo assumptus. Quando verò multi actus non sic uniuntur, tunc licet sæpius iterati, manent solum



venialia, ut contingit in duobus ultimis exemplis. positis in argumento.

In præfenti verò. frangere frequenter jejunia Ordinis, silentia & similes majoris momenti Constitutiones cum frivola aut nulla causa, uniuntur in hoc, quòd aliquis maneat irreligiosus, immortificatus, totus sensualis, non progrediatur in via virtutum, maneat imperfectus, & post multum temporis sæpè peior, quàm dum Religio-  
nem intraret, quæ omnia graviter militant contra obligationem, quam in professione assumpsit & sequuntur alia detrimenta Religioni superius relata.

III. Objicitur contra prædicta: Ego vivo secundum Regulam & constitutiones, tametsi frequenter transgrediar, quando paratus sum ad taxatam poenitentiam subeundam pro transgressionibus, quia Constitutiones non plus requirunt, ut patet ex prologo, ubi dicitur: quòd Regula & Constitutiones non obligant nos ad culpam, sed ad solam poenam.

Respondetur: Quòd obligent nos ad  
fo.

solam poenam secluso contemptu; in continua transgressione Constitutionum sine causa reperitur interpretativus contemptus, juxta dicta responsione 8.

IV. Conqueruntur, quòd in tantum multiplicentur Constitutiones & Ordinationes, quòd vix possint memoriâ retineri, quomodo ergo poterunt impleri? Et onus novæ Legis, quod Christus leve & suave prædicavit, viderur in Religionibus per diversa statuta adeò aggravari, ut tandem de jugo Religionis dici poterit, quod Apostolus Petrus de antiqua lege dixit: Quòd nec nos, nec Patres nostri portare potuimus.

34. Respondetur: Quòd per diversa & multiplicata statuta additur onus votis nostris, sed non est onus aggravans, sed allevians, prout *S. Bernardus* dicit de lege Evangelica in ordine ad legem antiquam moralem: Additur (inquit) onus oneri, & minus onerat; & sic oneri gravissimo leges accedens quadriga Evangelii, & auxit perfectionem, & minuit difficultatem.

Quem

Quemadmodum, si equo, qui deberet portare duodecim saccos tritici, addas currum, ita Regula & Constitutiones adiunguntur votis ad alleviandum onus eorum.

Neque etiam onus, quod addunt, est difficile: nam quando pulsatur ad Ecclesiam, æquali facilitate potest quis omnibus relictis statim ire, quam hærere per medium quadrantulum, & serius venire. Et audito signo silentij æquè facile potest statim discedere, quàm in locutorio longiorem protrahere moram. Idem est de alijs observantijs. Neque sunt ita multiplices, quin facillimè possint retineri, si quis ex amore perfectionis, quam professus est, legat & relegat subinde capitulum aut alterum: Quia sæpè legimus multa vana, & benè retinemus. Ad quod etiam hortatur Humbertus quondam Generalis Ordinis Prædicatorum, dicens: *Lectio diligens Regule & Statutorum propria professionis, necessaria est, quia (inquit) fit contra Regulam frequenter, quando non legitur Regula.*

V. Alij sunt, qui vellent observare Regulam & Constitutiones, tamen incipiunt & pergunt transgredi statuta sua cum Socijs, quia timent illos offendere, vel obloquia ipsorum, vel quia non audent publicè agere contra communem consuetudinem, ne videantur singulares, vel agere tanquam Novitij, vel habeantur tanquam scrupulosi, vel hypocritæ.

35. Rr. Si propter observantiam Regularem, ad quam obligor, incurro indignationem, & displiceo socijs meis, non est hoc curandum, teste Apostolo, dum dicit: *Si adhuc hominibus placerem, Christi servus non essem.* Nam sic displicendo hominibus magis places DEO. Consuetudo illa communis Religiosorum aliorum corruptela est Religionis, ac ideo detestanda. Et non à pluribus, sed ab honestioribus forma sumenda est, inquit S. Bonaventura in Speculo p. 1. c. 2.

Neque est mala singularitas servare communes regulas & statuta, ad quæ tota communitas obligatur. Neque est Novi-  
ti-

tiorum exactè sua statuta observare, qui nondum illis obligantur, sed professorum. Imò & quantò seniores sunt professione, gradu, vel officio, tantò plus obligantur ad eorum observantiam: Quia debent bono suo exemplo ædificare juniores, monstrando, quantum profectum in via perfectionis fecerunt, & in illa progredi usque ad mortem, prout promiserunt. Nec est hypocrisis facere id, quod debeo, sed sincera fidelitas: Neque exactè observare sua statuta est scrupulosum, sed Religiosum. Et quietare conscientiam suam in hoc, quòd illorum transgressio non sit peccatum, est astuta diaboli persuasio, per quam subtiliter inducit, & suaviter illaqueat Religiosos in sensuali illa libertate, & ita paulatim destruit observantiam: quia hæc est vera radix, ex qua semper prodit ruina Religionum in sanctissimis Monasterijs, ut observatum est à pluribus sanctissimis Viris.

VI. Multi à parvis incipiunt sua facere sine licentia Superiorum, & paulatim pergunt ad majora; tandem in nullo petunt

licentiam. Quia pudet illos frequenter accedere Superiores; ac eò confidentius, quia existimant, quòd Superiores nolunt continuò molestari.

36. Rr. Sed pudor ille, vel potius superbia illa, est nimis pernitiōsa, quia nata est auferre totam promissam obedientiam, & Religiosos iteratò transferre ad propriam voluntatem, quod Sacrilegum est: boni superiores, qui cogitant, quòd de vita singulorum debebunt reddere rationem, libenter volunt & debent scire, quid singuli agant: quomodo aliàs de vita illorum poterunt reddere rationem Christo Domino supremo Judici? Deinde incipiunt quævis oblata recipere sine licentia, & ita perit paupertatis votum. Tandem quærunt conversationem muliercularum, à quibus hæc recipiunt, ac ita periclitatur castitas, propter quæ DEUS primò ab ipsis desertus, deserit illos; & meritò subtrahit lumen ab intellectu, ut videntes hæc non videant, aufert à voluntate emollientem gratiam, & ita obdurantur, ne in horum omnium trans-

transgressionibus amplius scrupulum senti-  
ant, & ipsi, sic quietè morientes, sepeli-  
untur in inferno.

## CONCLUSIO.

**P**erpendant hæc frequenter & accurate  
omnes Religiosi, qui faciles sunt in  
transgrediendo Regulam suam & Consti-  
tutiones; considerent, (inquam) quàm  
periculosum sit ita vivere, & quàm hor-  
rendum sit ita mori; quid tales respondere  
poterunt in hora mortis iustissimo Judici  
Christo, quando exactè repetet pretiosum  
illud talentum Religiosi Statûs, in quo  
quotidie debebant progredi de virtute in  
virtutem, tendere ad maiorem perfectio-  
nem, producere quotidie fructus in lu-  
crum animarum verbo & exemplo? Cùm  
tamen è contra, prout clarè videbunt in  
hora mortis, vitam suam esse deteriotem,  
quàm dum ex sæculo primitus ad Religio-  
nem venerunt, in vinea Domini se spinas  
protulisse, non uvas: dedisse se proximis  
exempla pravitatis, & non charitatis. Si  
servus ille Evangelicus, qui talentum suum  
di-



iligenter custodierat, sit graviter reprehensus, & ligatis manibus & pedibus missus in tenebras exteriores, quia in illo negotiatus non fuerat, & lucrum non adferebat; quid fiet de nobis, qui non tantum lucrari negleximus, sed talentum ipsum irreli-giosè vivendo dissipavimus? Quomodo indignationem irati Domini perferre poterimus, qui ex tam magnis promissis nihil solvimus? Quia in Religione non perfectè vivere, summa damnatio est, (inquit *S. Eusebius.*) Perpendamus igitur hæc tempestivè, antequam talentorum Dominus redeat ex longinqua profectioe, & incipiat nobiscum inire exactam rationem: ubi tunc singula exactè computabuntur, & secundum rigorem justitiæ punientur.

Donet igitur Dominus, ut Regulam & Constitutiones exactè observemus, tanquam spiri-tualis pulchritudinis amatores: & ubi nos invenerimus ea, quæ scripta sunt, facientes, agamus gratias Domino bonorum omnium Largitori: ubi verò sibi quicumque nostrum viderit aliquid deesse, doleat de præterito, caveat de fu-

futuro, orans. ut sibi debitum dimittatur, & tentationem non inducatur. Ita S. P. Augustinus finit sanctam suam Regulam.

Finio & ego hunc tractatulum ad majorem DEI gloriam, si subjunxero hanc brevem regulam S. Caroli Borromæi, quam sequendo pervenit ad apicem perfectionis, quæ talis est:

*A minimis incipe,*

*Semper progreditor,*

*DEUM semper ante oculos habe.*

Quod nobis concedere dignetur totius perfectionis Magister & Origo Christus JESUS, qui est DEUS super omnia benedictus Amen.



TRACTATUS

RP. DANIELIS CONCINA

S. Ords Prædicatorū Theo-  
logi.

FACULTAS REIMPRIMENDI

DIÆCESANA

**U**T Dissertatio DANIELIS Con-  
cina Ordinis Prædicatorum in  
Tomo priori reperta Bononiæ Anno  
1762. impressa, sub Titulo de Statu  
Religioso, Capitibus duodecim con-  
stans, recudi possit, & valeat, con-  
cedo facultatem Die 28. Aprilis 1765.

*M. CASIMIRUS STĘPŁOWSKI SS.  
Theologiæ Doctor & Professor, Collega Ma-  
ior, Librorum per Diæcesim Cracoviensem substi-  
tutor.*

mpp.

**V**otum - - - non tardabis reddere (ait  
 Scriptura Deut: 23.) quia requireret  
 Dominus DEUS tuus illud (nam) si mora-  
 tus fueris tibi reputabitur in peccatum.  
**I** Multo melius non vovere quam post votum  
 promissa non reddere. Difficet DEO in-  
 fidelis & stulta promissio Eccle 5. Ruina est  
 homini (ait Sacer Proverbialista Cap. 20.)  
 devorare (seu alii legunt devotare) San-  
 ctos & post vota retractare. Vovere Consi-  
 lio in illi est, sed reddere necessitatis iuxta Glossam  
 in illa verba Psalmista: vovete & reddite  
 ut quae distinxerunt labia. Ne trans-  
 gradiaris termines antiquos quod posuerunt  
 patres tui Pro. 28. qd. Ne transgrediaris  
 limites morum quos Patres fixerunt, ut aliter  
 agere velis quam ab illis sancitum est. Corn.  
 a Lap. hic. Item in Cap. Prov. qui  
 post vota inquit rem aliquid deterio-  
 rem, quam pro meliori DEO vota si erroget &  
 sem substituat &c. Religiosus debet

respicere Regulam ut mulier vana speculum  
San. Vin. Fer. de San. Fran. Seraph.  
Venire quidem ad eremum summa perfectio  
est, non perfecte in eremo vivere summa da-  
mnatio est. SS. Eusebius & Cæsarius.  
Illos gehenna devorat qui in habitu Religionis  
negligenter vivunt S. O. Clunia.  
Vere optimum exemplum bene vivendi reliquit  
nobis omnibus I E S U S Christus, ipse Ma-  
gister omnium, ipse Liber & Regula Religio-  
forum. Thom. Kem. Ser. 3tio ad No-  
vitos.      Estote ergo vos perfecti  
sicut & Pater Vester Cœlestis perfectus est.  
Matt. 5. (concludit Christus)

DIS.

# DISSERTATIO

## De Statu religioso Præloquium.



Quatuor hoc de argumento volumina edidi, quorum primum inscribitur *Commentarius historico-apologeticus &c.* alterum: *Disciplina Apostolico-Monastica.* Adversus hanc: *Disciplinam Apostolico-Monasticam* duo prodiere volumina; unum inscriptum: *Vindiciæ Regularium*; alterum hac e-graphæ insignitum; *Vita Clausstralis.* Hos duos libellos revera famosos plenos erroribus Commentis, fabellis, & diſterijs contrivi, & penitus labefactavi, opere inscripto, *Defensio Decretorum Concilii Tridentini*, in duo volumina distributo, atq; jussu Sapientissimi Pontificis Benedicti XIV. edito. Ex his pauca decerpam.



## CAPUT I.

*Status Religiosi notio, & eiusdem obligatio aspirandi ad perfectionem evangelicam.*

I. **QUÆSTIO I.** *Quid sit status Religiosus?*

R. Est via facilius perveniendi ad perfectionem Evangelicam. A virtute Religionis quæ inter morales eminet, nomen suum sortitur sacer hic Status; idcirco Religiosus appellatur. Stabilitatem & immobilitatem secum, adfert. Ut sit talis, requirit approbationem ab Ecclesia factam, ut habetur ex Concil Later. IV. Cap. *Nimia*. Necessaria est quoq; Professio trium votorum juxta aliquam ex Regulis approbatis à Sede Apostolica. Hinc singuli Ordines suam propriam Regulam habent. & Constitutiones, ad quarum normam statum Religiosum profitentur.

II. **QUÆSTIO II.** *Utrum Religiosi teneantur sub gravi peccato tendere ad perfectionem* 2. R. Quæstio hæc perspicua indiget explicatione. Omnes Christiani sive Laici, sive Ecclesiastici, sive sæculares, si-

ve claustrales, præcepto ligantur aspirandi ad perfectionem. Fortasse imperitis veritas hæc impervia erit. Sciant ergo oportet, perfectionem hanc de qua nunc nobis sermo est, in caritate sitam esse, ut Evang. & omnes Patres docent. Hinc S. Th. 2. 2. q. 186. a. 2. describit statum Religiosum quod sit: *disciplina quædam, seu exercitium perveniendi ad perfectionem.* Ut enim Religiosi facilius & expeditius, hanc metam attingant, tria Consilia Evangelica ad quæ revocantur cætera vovent. Hæc tria vota sunt instrumenta, & veluti currus rotæ, quæ viam sternunt ad hoc pallium assequendum. Omnia præcepta Evangelica, sunt media necessaria, consilia sunt instrumenta libera, ordinata ad præceptum caritatis Hoc præceptum est finis & meta omnium præceptorum & Consiliorum. Neq; in Consiliis igitur neq; in cæteris mandatis, sed in sola caritate sita, est perfectio Evangelica, ad quam sub præcepto aspirare omnes tum Christiani, tum viri Religiosi astringuntur. Cum Christus di-

xit: *Esote ergo vos perfecti. Sicut & Pater vester Cælestis perfectus est.* Matt. 5. Non Monachis non Claustralibus hoc intonuit, sed omne prorsus genus humanum allocutus est, cū tunc nec Monachi nec Claustrales essent.

III. Crasso ergo obvolvuntur errore Christiani qui existimantes hanc perfectionem Evangelicam quid supererogationis esse, & Consilij, virisq; duntaxat Religiosis competere, nihil conantur ad eam consequendam. Caritas hæc separat animam ab amore mundi, & eorum quæ in mundo sunt, eamq; conjungit DEO. Et quo magis anima separatur à concupiscentia carnis, à concupiscentia oculorum, à superbia vitæ, ut inquit *S. Joan Epist. 1. Cap. 2.* eo intimius DEO conjungitur. Ad hanc unionem cum DEO omnes Christiani ex præcepto astringuntur. Ergo omnes Christiani ad caritatis perfectionem tendere obligati sunt. Hoc duntaxat discrimen est, quod Christiani per solam præceptorum viam currere ad perfectionis me-

metam tenentur. Viri autem Religiosi, ut eam ipsam metam facilius assequerentur, Consilia amplexi sunt evangelica, & eadem tribus solennibus votis servanda sibi imponere.

IV. Christiani igitur vigiles sint oportet in servandis præceptis, quæ orationis studium, sensuum custodiam, & carnis compressionem, æquitatem, cordisq; puritatem jubent, quia hæc & cetera omnia mandata, ut dixi sunt instrumenta necessaria, perveniendi ad caritatis perfectionem, seu conjunctionem cum DEO. Et quoniam hæc conjunctio major atq; intensior in uno ac in altero est, ideò unus altero perfectior evadit.

V. Contra viri Religiosi, præter hæc præcepta servare tenentur tria vota, & propriam Regulam & Constitutiones, quas Sancti Patriarchæ, Divino afflante Numine præscribere, tanquam media quæ adjuvant, & facilius conducunt ad præstitutam metam.

VI. Unde inquires, colligere possumus

**mus** viſos ſive Chriſtianos, ſive Religioſos implere hoc præceptum aſpirandi ad perfectionem? Chriſtiani qui à vanis pompis, à Luxu, à faſtu, ab occasione violandi præcepta Decalogi vigilanter abſtinent; qui in orationis ſtudium incumbunt; qui juſtitiam & æquitatem ſervantes, cuiq; quæ ſua ſunt tribuunt; quiq; ſibi fieri velent, alijs faciunt; qui proprij ſtatus officia implent: hi ſigna perhibent, ſe per viam Evangelicæ perfectionis ambulare.

VII. Si Chriſtiani ipſi proprij ſtatus Officia, & munia regendi familiam, educandi filios, providendi domeſticis neceſſaria, & cetera omnia implere debent; quanto magis propriæ Religionis munia, vota, ritus, ſtatuta Legeſq; exequi tenentur viri Religioſi? Unde verò colligi poterit viros Religioſos perfectionis ſtudio operam ſincero animo impendere? Forſitan ex obſervantia ſilentij, ex orationis aſſiduitate, ex ſenſuum, carnis, & appetitionum compreſſione, ex votorum paupertatis caſtitalis & obedientiæ executione

ne? Perfecto hæc omnia signa, satis probabilia sunt, at interdum fallacia. Hæc enim omnia hypocrisis fructus esse valent. Ut ille viam sibi paret ad regimen, ad præfecturas, ut sibi existimationem viri religiosi, & proprii instituti observatoris, comparet, exequi præfata omnia potest, & sub Sacræ Religionis pallio diaboli martyr evadere. Quænam ergo animi aspirantis ad perfectionem Christianam argumenta? Caritatis exercitia, amor erga omnes, patientia & tolerantia injuriarum, animi candor, lingvæ sinceritas, mentis docilitas, mundanarum rerum contemptio, politicorum respectuum proculcatio, peccatoris evangelici fortitudo, sermones Christi, carni & sanguini hostiliter adversos, palam profuendi studium, propriæ existimationis mundanæ, neglectus. Hæc sunt indicia, quæ animum in perfectionis Christianæ studio percurrentem indicant: Siquidem reperiri media sine fine queunt. At finis consistere sine medijs nequit. Possunt itaq; cæremoniæ & observatio-

nes votorum, Constitutionum aliorumq; rituum extrinsecus apparere veste nuptiali destitutæ, & hypocrisis larva testæ. At Caritatis exercitia, quæ sunt illorum finis, sine eisdem stare non queunt.

VIII. Hinc colliges non satis proprio muneri satisfacere illos Regularium Superiores, qui in suis Capitulis continenter clamant adversus quasdam cæremoni-  
arum transgressiones, & vix aliud inculcant suis subditis, quàm silentij custodiam, chori frequentiam, jejuniorum & quarundam genuflexionum observantiam, Laudo hæc omnia; sed illud doleo, quòd prætermittant hortari, persuadere, & urgere ad caritatis exercitia. Accensa enim flamma, hac in Religiosorum animis, cætera omnia spontè fluunt. Caritatis quippe planta est facundissima, fructus pariens, ad æternitatem maturos. Caritas benigna est, patiens est, non æmulator, non agit perperam, non inflatur, omnia sustinet, omnia suffert, non quærit quæ sua sunt, sed quæ IESU Christi, non reformidat sæculi potentiam,  
non



non pertimescit adversariorum calumnias sed impavido pectore verbo, & opere Christi legem & propriam. Professionis munia exacte implet. Ignis iste Cælestis semper ardet ubi adest, & flammam continenter emittit. Si arderet in Superiorum cordibus, dubio procul favillas suas immitteret in subditorum animos. Illi ergo qui neglecta caritatis prædicatione, cæremoniæ tantum observationem inculcant, ipsi se caritate impleant, ut hanc in alios transfundentes, optimos sibi subditos comparent.

IX. Caritas dulcissimo benevolentiae fœdere animos conjungit, efficitque cor unum, & animam unam. In ea communitate in qua aversiones, dissidia, transactiones contrariæ fervent; in qua Superiores veritatem, vafritiem, cor duplex, linguam amphibologicam, prudentiæ larva induunt, candore, sinceritate, affabilitate pulsas, caritatis flamma certè non ardet; sed spiritus mendax & mundanus, & scientia, quam S. Jacobus diabolicam appellat do-

minatur. Si Superiores verbis laudant, factis tergiversentur, negent, spondeant, illudant, velificentur, adversentur, prout temporum rationes ferunt, inter subditos & ipsos Superiores; deprehensa illorum vafritia; nulla sinceritas, nullus animi candor, caritas nulla viget. Sed è contra murmura, dissidia, aversiones, & perpetua bella grassantur. Superiores qui aperto animo, sincero corde, ingenua lingua subditos colligunt & amplectuntur, illos sibi devinciunt, obligantq; illo ipso tempore, quo favores denegant, dum impertiri salva lege nequeunt. Verùm in semitam à diverticulo alioquin oportuno revertamur.

X. Religiosi ergo illi qui neglecto Orationis, mortificationis, pœnitentiæ, abstinentiæ & propriæ Regulæ atq; Constitutionum exercitio, ea solum peragunt, quæ prætermittere nequeunt, qui ludis, fabulationibus otio, solatijs diverticulis indulgent, qui sumpta cappa, aut pallio civitatem circumeunt, curiosa se stantur; qui si mensa ad palatum non sit instructa, ob-

mur-

murmurant, Superiorum exhortationes & mandata derident, & super eisdem jocantur, fabulantur, controversantur, non Evangelicæ perfectionis, sed æternæ damnationis viam percurrunt.

XI. Ut multa in pauca contraham, omnes Christiani sive laici, sive Religiosi aspirare ad Evangelicam perfectionem vi præcepti sub mortali astringentis tenentur, sed medijs varijs, quæ omnia per unicam & arctam viam ad eandem metam ducunt. Christiani Laici sola præceptorum exacta observatione; Religiosi ad præceptorum executionem addunt trium votorum & propriarum Constitutionum observantiam. Hæc vota, hæ Constitutiones & Regulæ non sunt, inquiunt Patres, sarcinæ & pondera quæ opprimant; sed sunt alæ, quæ iter allevant, & sursum erigunt. Quamobrem status Religiosus, nuncupatur Schola facilius perveniendi ad perfectionem caritatis, ad quam omnes Christiani tendere astricti sunt. Gravius utiq; Religiosi, & scelestius peccant, hoc præ-

ce-

ceptum violantes, quam Christiani Laici. Quoniam Viri Religiosi uberiori gratiarum & donorum à DEO copia sunt instructi, facilius & commodius angustam calcare semitam Evangelicam queunt. Idcirco isti sacri legi, ingrati atq; nequissimi DEI servi habentur, cum tot talenta à DEO accepta prodigunt, & dilapidant. Quando quidem à curis sæculi à mundi periculis quibus miseri Christiani obnoxij sunt, segregati, nihil de victu, & vestitu cogitare coacti, unice vacare DEO, & proprii instituti observantiæ facillimè queunt. Quare dupliciter vapulabunt, si nancisci perfectionem Evangelicam omittent, ne dum contemnent.

XII. Disputare Theologi solent, num satis sit trium votorum observantia, neglectis alijs legibus quæ ad gravem culpam non obligant. & rursus contröversantur, num continuata istarum legum transgressio istarum legum inducat contemptum, virtuale, & interpretativum? Verum paucis rem dirimo, tria vota commu-  
ni-

nia sunt omnibus sacris ordinibus. Quilibet Ordo Religiosus ab altero distinguitur suis peculiaribus Statutis, Regulis, & Constitutionibus. Ergo præter tria vota omnibus communia, necessaria est proprii instituti observantia, alioquin nullius determinati Ordinis esset Religiosus ille qui tria dumtaxat vota servaret. Necessaria itaq; est propriæ Regulæ, & Constitutionum observantia, ut quis dicatur studio vacare Evangelicæ perfectioni.

XIII. Num transgressio hujus aut illius Monasticæ Constitutionis iter intercipit perfectionis Christianæ? Distingvendus est animus constans & firmus propriæ Professionis implendæ, à transgressione hujus aut illius legis ex animi subreptione, & imbecillitate proficiscente. Quotidie labimur omnes. Qui ex infirmitate aliquam legem non obligantem ad culpam, saltem gravem, violant, cespitant, & aliquomodo claudicant in via; at continuo surgunt, animumq; & vires redintegrant, ut celerùs currant: at quia debiles & infirmi

mi sumus, denuo claudicamus, ac simul denuo alas resumimus plus & minus, pro- ut magis & minus caritatis ignis ardet in corde. Illi igitur qui ob communem infirmitatem aliquam Constitutionem violant, non sunt extra perfectionis viam, dummodo animum firmum & constantem servant propriæ Professionis servandæ. Contra qui passim proprii instituti leges peculia- res violant, nihil earundem transgressio- nes curantes, & in eadem corruptela per- severantes, extra arctam semitam sunt, atq; latam & spatiosam perditionis viam percurrunt. Neq; illis quidquam suffra- gatur quod in Conventibus morentur, ubi legum observantia, saltem majori ex parte, in desuetudinem abiit, quoniam nulla cor- ruptela contra legem præscribit. Brevi, vota & Constitutiones reciproco nexu conjuncta sunt Constitutiones sunt voto- rum præsidia; vota sunt propugnaculum caritatis. Caritas, vota, & Constitutiones sibi mutuas manus porrigunt. Hoc nexu graviter læso & disrupto, totum ædifici-

um corruat, necessum est. Qui deliberato animo proprias Constitutiones indiscriminatim violant, mentiuntur, si jactant aut votorum observantiam, aut caritatis exercitium.

XIV. Tria vota necessaria sunt ad Religiosum statum constituendum, & quidem solemniter emissa in facie Ecclesiæ: status quippe iste firmitatem, & stabilitatem includit; Tria hæc vota Paupertatis, castitatis, & obedientiæ, bellum perpetuum denunciant tribus mundi malis, quæ S. Joan. Epist. I. c. 2. describit. *Omne quod est in mundo, concupiscentia carnis est, & concupiscentia oculorum, & superbia vitæ.* De his tribus votis mox sermo recurret. Interim si plura hac de re cupis, lege S. Thomam 22. 2. 186 art. 6. & 8.

## CAPUT 2dum.

### *De Voto Paupertatis.*

- I. PAupertatis Votum est primum vitæ Regularis fundamentum. Istius voti materia est abdicatio rerum temporalium

ma-



manifestata à Christo Domino Matth. 19.  
*Si vis perfectus esse, vade, vende, quæ habes,  
 & da pauperibus.* Alia duo Contilia virgi-  
 nitatis colendæ, & voluntatis abnegandæ,  
 hominifq; auctoritati subijciendæ, paucis  
 expressit Magister Divinus. Verum me-  
 thodum ipsam, qua Apostoli, primiq;  
 Christiani executioni Evangelicæ pauper-  
 tatis consilium demandarunt, clarè & di-  
 stinctè Act. 2. describit Evangelista Lu-  
 cas. Omnes etiam qui credebant, erant pari-  
 ter, & habebant omnia communia. Possessio-  
 nes, & substantias vendebant, & dividebant  
 illa omnibus, prout cuiq; opus erat. Fusiùs  
 hanc paupertatis formam exprimit c. 4.  
 S. Evangelista. Multitudinis autem creden-  
 tium erat cor unum, & anima una, nec qui-  
 quam eorum quæ possidebat, aliquid suum esse  
 dicebat. sed erant illis omnia communia - - -  
 Neq; enim quisquam egens erat inter illos - -  
 Quoquot enim Possessores agrorum, aut do-  
 morum erant, vendentes afferebant pretia eo-  
 rum quæ vendebant, & ponebant ante pedes  
 Apostolorum. Dividebatur autem singulis prout  
 cuiq; opus erat.

h. 19.  
habes,  
virgi-  
andæ,  
paucis  
me-  
rimiq;  
uper-  
& di-  
a Lu-  
pari-  
Tessio-  
lebant  
ufius.  
e. 4.  
eden-  
qui-  
esse  
os - -  
do-  
a co-  
pedet  
prout  
I.

II. Hæc est illa Paupertas bonorum communione fulta, quam Christus in suo Apostolico collegio præjecit ut fundamentum cœlestis perfectionis, quæ in caritate sita, amoris & concordiae vinculo invicem & cum DEO conjungit. Bonorum enim proprietas cupiditatem accendit, & veluti civis seditiosus tumultus, jurgia, & dissidia excitat, corda, animosq; sejungit, atq; in contrarias abstrahit factiones. Communitas autem, cum omnem auferat proprietatem, radicem quoq; contentionum, rixarum, & dissidionum revelat, & Cœlestium Bonorum communionem inducit. Connexa enim hæc duo sunt. 1mo erat cor unum, & anima una. 2do: erat illis omnia communia.

III. Paupertas generatim accepta plures excipit gradus: quorum alter dominium, & usum cujusq; rei ceu propria excludit; alter dominium, & usum proprium respuit, capacitatem tamen ad dominium retinet; 3tius, qui nec dominium absolute abdicat, nec incapax dominij evadit,  
sed

sed tantum nulla re tanquam propria utitur; 4<sup>tus</sup> nec dominij nec usus privationem prodit sed eam dumtaxat bonorum mensuram admittit, quæ ad vitæ sustentationem necessaria est, & cetera omnia rejicit. Ad hos quatuor gradus omnes alij reducuntur. 1<sup>um</sup> paupertatis gradum nunc vovent Regulares. 3<sup>tium</sup> nuncupant Scholares Societatis alios duos quisq; vovere potest.

IV. Theologi plurimi hanc exhibent paupertatis monasticæ definitionem. *Votum paupertatis, est voluntaria bonorum temporalium abdicatio, per quam vivens ipsorum proprietate privatur.* alij præssius ajuvat. *Est abdicatio dominij.* quæ definitiones ad Metaphysicæ amussim exactæ paupertatem generatim acceptam describunt, secus, ut executioni demandandam. Duo in hoc voto isti distinguunt primum essentiale vocant in abdicatione dominij situm. Alterum accidentale appellant, quod usum bonorum spectat. Hinc inferunt connexionem voti Paupertatis cum bonorum com-

mu-

munitate accidentalem esse, quod de paupertate generatim accepta verum habet: num id ad Paupertatem monasticam explicandam sufficiat? mox dicam.

## CAPUT 3tium.

*Regulares voventes Paupertatem Evangelicam  
vorent ipsam Bonorum communitatem.*

I. **T**heologi & Canonistæ omnes docent, Regulares vi præcepti Ecclesiastici graviter obligantis, Bonorum communitati astrictos esse, pulsus peculijs. quod autem hoc præceptum communitatis ipsam voti essentiam ingrediatur, vel extra divagetur, ad id quod caput disputationis est, perinde res se habet. Nam si ve Regulares violent directe votum, dum peculium necessitate sublata retinent, si ve præceptum, mortale Sacrilegium peperant: quare etiamsi falsum esset quod dicturus sum, non propterea aliquid emolumenti inde perciperent Regulares, cum juxta omnes & Theologos, & Canonistas, præcepto gravissimo Ecclesiastico observan-

vantiæ communis vitæ astricti sint.

II. Et ut id quod dicturus sum, evidentius pateat, ob oculos habeamus necessum est, paupertatis votum generatim acceptum, & ab omni circumstantia præcisum, plures excipere gradus, quorum Capite Superiore mentio facta est: nec unum præ alio in hac acceptione prodesse, nec communitatem includere, aut reijcere alterum non minùs manifestum est, quodlibet nempe votum solenne materiam certam, & præfinitam sibi vendicare. Quibus Constitutis evinco quod proposui.

III. Regulares omnes Paupertatem DEO vovent, non incertam, non ad cuiusdam Metaphysicæ definitionis amussim exactam, quam aliqui sibi effinxere; sed eam Paupertatem vovent, quæ in eorum Regulis determinata est. Hæc prima propositio ineluctabilis est Paupertas enim latitudinem, & gradus plurimos admittit, ut omnes fatentur, & reipsa constat: ergo voventis intentione determinari debet. Hæc autem determinatio fieri à singulis

Re-

Regularibus nequit, alioquin tot essent paupertatum genera, quot sunt voventes, & omnia confusa & perturbata essent. Quamobrem omnes Sacri Ordines suas Regulas habent, in quibus definita est Paupertas, quam omnes ejusdem Ordinis profiteri debent. atqui omnes Regulæ SS. Basilij, Augustini, Benedicti, Francisci, & omnium Sanctorum Patriarcharum pro materia voti Paupertatis determinant vitam communem. Ergo Regulares voventes Paupertatem vovent vitam communem nisi Propositio secunda vera sit, sponte cadere causa velim. Possem huc transcribere omnium Regularum textus, quos brevitatis studio prætereo. Satis sit in transcurso indicare in omnibus præfatis Regulis similia haberi: *Sint vobis omnia communia*, ut legitis in actibus Apostolorum.

IV. Verum quamvis hæc argumentatio falsa esset, non propterea, ut dixi, licitum peculium foret Regularibus, cum juxta omnes tum Theologos, tum Canonicos.

nistas gravissimo præcepto Ecclesiastico vitam communē servare teneantur cujusq; privati peculij expertem hinc Religiosus omnia sua tum præsentia, tum futura, sub Religionis dominio ponit, ea conditione & pacto ut Religio de ijs Bonis in communem omnium Religiosorum usum disponere, ut sibi expediens visum fuerit, quæat: & Religio vicissim eodem vinculo se obstringit victum, & vestitum, & omnia necessaria Religioso præstandi. Porro sicut in quolibet contractu una deficiente parte in suo explendo munere, deficiat quoq; altera necesse est: ita similiter si Religio incongrua victus & vestitus provisione desit officio suo, continuo in Religioso Professo jus oritur naturæ, quemlibet antecedens contractum, victum, & vestitum illum quem Religio tribuere deberet, comparandi. Hoc est totum quod in favorem Religiosorum, & peculij privati dici potest. Cæterum tam Religio, seu Superiores Religionum, quam Religiosi gravissimo præcepto obstringuntur re-  
din-



integrare contractum, si fractum sit; vel  
observare, si consistat, ut infra dicturus  
sum.

## CAPUT 4tum.

*Decreta Concilij Tridentini, & Constitutiones  
summorum Pontificum urgent Regulares  
ad exactam vitam communem, pulsas  
privatis peculiis.*

**I.** PRætermissis antecedentium Concilio-  
rum, & Pontificum Decretis, quæ  
vitam communem Regularibus præcipi-  
unt, rescribam dumtaxat ea quæ Triden-  
tinum præcipit *Sess. 25. c. 1.* Quoniam  
non ignorat S. Synodus, quantum ex  
monasterijs piè institutis, & rectè admi-  
nistratis, in Ecclesia DEI splendoris,  
atq; utilitatis oriatur, necessarium esse  
censuit, quo facilius ac maturius, ubi  
collapsa est, vetus & Regularis discipli-  
na instauretur, & constantius, ubi con-  
servata est, perseveret, PRÆCIPERE,  
prout hoc Decreto PRÆCIPIT, ut o-

„ mnes Regulares, tam viri, quam Muli-  
 „ eres, ad Regulam quam Professi sunt præ-  
 „ scriptum vitam instituant, & compo-  
 „ nant: atq; imprimis, quæ ad suæ Professio-  
 „ nis perfectionem, ut obedientia, Paupertatis,  
 „ & Castitatis, ac si quæ alia sunt alicujus  
 „ Regulæ & Ordinis peculiaris vota, &  
 „ PRÆCEPTA ad eorum respectivè essen-  
 „ tiam, NECNON AD COMMUNEM  
 „ VITAM, victum, & vestitum conservan-  
 „ da pertinentia, fideliter observent: O-  
 „ mnisq; cura & diligentia à Superioribus  
 „ adhibeatur tam in Capitulis generalibus,  
 „ & provincialibus, quam in eorum visi-  
 „ tationibus, quæ suis temporibus facere  
 „ non prætermittant, ut ab illis non rece-  
 „ datur, cum compertum sit, ab eis non  
 „ posse ea, quæ ad substantiam vitæ Regula-  
 „ ris pertinent, relaxari. Si enim illa quæ  
 „ bases sunt, & fundamenta totius Regula-  
 „ ris disciplinæ, exactè non fuerint ob-  
 „ servata, totum corruat ædificium, neces-  
 „ se est.

II. „ Rursus idem Concilium c. 2,  
 ad-

„ addit: *Nemini igitur Regularium tam viro-*  
 „ *rum, quam Mulierum liceat bona immo-*  
 „ *bilis, vel mobilia, cujuscunq; qualitatis*  
 „ *fuerint, etiam quovis modo ab eis ac-*  
 „ *quisita tanquam propria, AUT ETI-*  
 „ *AM NOMINE CONVENTUS possi-*  
 „ *dere, vel TENERE; sed statim ea. Su-*  
 „ *periori tradantur. Conventuiq; IN-*  
 „ *CORPORENTUR. Nec DEINCEPS*  
 „ *LICEAT Superioribus bona stabilia a-*  
 „ *licui Regulari concedere, etiam ad u-*  
 „ *sum fructum, vel USUM, ADMINI-*  
 „ *STRATIONEM, aut Commendam.*  
 „ *Administratio autem Bonorum Mona-*  
 „ *steriorum, seu Conventuum ad solos Of-*  
 „ *ficiales eorundem, ad nutum Superio-*  
 „ *rum amovibiles pertineat. Mobilium ve-*  
 „ *rò usum ita Superiores permittant, ut*  
 „ *eorum supellex statui paupertatis quam*  
 „ *professi sunt, conveniat: nihilq; super-*  
 „ *flui in ea sit: nihil etiam quod sit neces-*  
 „ *sarium, eis denegetur. Quot si quis a-*  
 „ *liter, quidquam teneredeprehensus, aut*  
 „ *convictus fuerit, is biennio activa &*  
 „ *passi.*

passiva voce privatus sit, atq; etiam jux-  
ta suæ Regula, & Ordinis Constitutio-  
nes puniatur.

III. Clemens VIII. confirmavit Tri-  
dentini Decreta Contit: data Anno  
1590. in qua hæc præscribuntur. imo:  
Tridentini Concl Decreta de *pauper-*  
*tatis voto* custodiendo fidelius observen-  
tur; præcipitur, ut nullus ex Fratribus,  
etiamsi Superior sit, Bona *immobilia*, vel  
*mobilia*, aut *pecuniam*, *proventus*, *census*,  
*Elemosynas*, sive ex Concionibus, sive ex  
lectionibus, aut pro Missis tam in pro-  
pria Ecclesia, quam ubicunq; celebran-  
dis, aliisve ipsorum justo labore & cau-  
sa, & quocumq; nomine acquisita, eti-  
amsi subsidia consanguineorum, aut pi-  
orum largitiones, legata, aut donationes  
fuerint, tanquam propria, aut *etiam no-*  
*mine Conventus*, possidere possit; sed ea  
statim superiori tradantur, & incorpo-  
rentur: atq; cum cæteris illis bonis re-  
ditibus, pecunijs ac proventibus, con-  
fundantur, *quo communis* inde victus, &

„ vestitus omnibus suppeditari possit. II.  
 „ Neq̃ Superioribus, quicumq̃ illi sint,  
 „ ullo pacto liceat eisdem Fratribus, aut  
 „ eorum alicui bona stabilia, *etiam ad u-*  
 „ *sum, fructum, vel USUM, administratio-*  
 „ *nem, aut commendam* etiam DEPOSITI,  
 „ aut CUSTODIÆ nomine concedere.  
 „ III. eorum verò quæ ad necessitatem  
 „ concessa erunt, nullus quidquam possi-  
 „ deat, ut proprium, neq̃ ut proprio uta-  
 „ tur. IV. Qui in præmissorum aliquo  
 „ deliquerit, pœnas nedum à Concilio  
 „ Trid: præscriptas, sed alias quippe mul-  
 „ to graviores Superiorum arbitrio impo-  
 „ nendâs incurrat. V. NULLA quorum-  
 „ cunq̃ Superiorum DISPENSATIO,  
 „ NULLA LICENTIA quantum ad bo-  
 „ na immobilia, vel mobilia excusare possit,  
 „ quo minus culpa & pœnæ ab eisdem  
 „ Concilii Decretis imposita, & ipso fa-  
 „ cto incurrendæ obnoxij sint, ETIAM-  
 „ SI SUPERIORES ASSVERENT,  
 „ HUIUSMODI DISPENSATIONES,  
 „ aut LICENTIAS CONCEDERE

„ POSSET: QUIBUS EA IN RE FI-  
 „ DEM MINIME ADHIBERI VOLU-  
 „ MUS. VI. Fratrum vestitus, & supellex  
 „ cellarum ex communi pecunia compa-  
 „ retur, & omnino uniformis sit Fratrum,  
 „ & quorumcunq; Superiorum, Statuiq;  
 „ paupertatis quam professi sunt, conve-  
 „ niat. Nihil etiam quod alicui sit neces-  
 „ sarium, denegetur. VII. Quæcumq;  
 „ Fratrum vestes sive laneæ, sive lineæ, o-  
 „ mnisq; alia supellex in aliquem commo-  
 „ dum conventus locum deferantur: ibiq;  
 „ ab uno, vel duobus Fratribus huic mu-  
 „ neri deputatis diligenter custodiantur,  
 „ ut inde Superioris arbitrio, prout cuiq;  
 „ opus fuerit subministrari opportunè  
 „ possint. VIII. Omnes etiam Superiores,  
 „ quicumq; illi sint, eodem pane, eodem  
 „ vino, eodemq; obsonio, sive (ut ajunt)  
 „ pietantia in communi mensa prima vel  
 „ secunda, nisi infirmitatis causa impediti  
 „ fuerint, vescantur: neq; singulare ali-  
 „ quid, quo privatim quisq; in cibum  
 „ mutatur, ullo modo offerri possit. Si quis  
 in

„ in ea re peccaverit, nihil ea die alimen-  
„ percipiat, nisi panem, & aquam. IX.  
„ Superiores omnes etiam Generales, vel  
„ qui redditus, aut præstationes particula-  
„ res ratione officiorum habent, eorum  
„ accepta, & expensa, in libro distincto  
„ fideliter, & diligenter adnotari curent;  
„ neq; in alios usus, quam ratione Officij  
„ sui necessarios, quidquam expendant.  
„ Cum vero contigerit ipsos in aliquo  
„ conventu commorari, eam pecuniæ  
„ quantitatem in commune conferant ex  
„ qua sibi, & ijs qui cum ipsis erunt, vi-  
„ ctus ad præscriptum Regulæ & Consti-  
„ tutionum suppeditetur. X. Nullus ex  
„ Superioribus locorum administrationem  
„ Bonorum, aut aliarum rerum, dispensa-  
„ tionemq; pecuniarum, & reddituum sui  
„ Conventus, per seipsum habere, sive e-  
„ xercere possit; sed universum id onus  
„ tribus Fratribus ejusdem Conventus à  
„ Generali ita demandetur, ut unus re-  
„ rum, & Bonorum, reddituumq; colligen-  
„ dorum, ac exigendorum curam habeat;



„ alter tanquam depositarius pecunias, ac  
„ cætera ab illo collecta, exactè & fide-  
„ ter asservet; aliùs de pecuniis, & rebus  
„ à Depositario acceptis Priori & Fra-  
„ tribus, ac Conventui universo, de neces-  
„ sarijs, mandante tamen ipso Priore, non  
„ secundum proprium affectum, sed juxta  
„ caritatis Regulam, veluti bonus dispen-  
„ sator, provideat, officiorum, hujusmodi  
„ confusione penitus interdicta. XI. Cæ-  
„ terum hi tres tam impensi, quam acce-  
„ pti, singulis mensibus Superiori locali,  
„ adhibitis etiam duobus, vel tribus Fra-  
„ tribus ejusdem Conventus, probatori-  
„ bus, rerumq; usu peritis, rationem red-  
„ dant. Deinde ipsemet rursus præsentibus  
„ Priore, & peritis prædictis, Gene-  
„ rali cum advenerit. Deniq; ipse Gene-  
„ ralis in quolibet proximo Capitulo Ge-  
„ nerali, saltem coram tribus iudicibus ab  
„ ipso Capitulo ad hoc Constitutis, illo-  
„ rum omnium, universamq; suæ admini-  
„ strationis tam publicæ, quam privatæ,  
„ rationem reddere teneatur; cujus etiam  
exem-

„ exemplum Authenticum ex actis Capi-  
„ tuli describatur, ad hoc ut ad omne  
„ mandatum nostrum, vel Sedis Apосто-  
„ licæ transmitti possit. XII. In uno quoq;  
„ Conventu, Fratrum is tantum deinceps  
„ constituatur, & in posterum retineatur  
„ numerus, qui vel ex redditibus illius pro-  
„ prijs, vel ex communibus consuetis, vel  
„ etiam singulorum eleemosynis, alijsq;  
„ quibuscunq; obventionibus in commu-  
„ ne, ut præfertur, conferendis commodè  
„ possit sustentari. Reditus verò, & supra-  
„ dicta omnia in communi loco, ac tuto  
„ diligenter asserventur. XIII. Superiori-  
„ bus autem; *ne Concilij Trid: aut hæc no-  
„ stra declarare, interpretari, aut relaxare  
„ ullo modo possint, omnino interdicimus, &  
„ prohibemus, decernentes irritum &c.* Si quis  
„ autem contra præsumpserit attentare, is  
„ eo ipso omni gradu, Officioq; privatus,  
„ & ad ea perpetuo inhabilis existat.

IV. Urbanus VIII. Confirmavit  
præfatam Clementis VIII. Constitutio-  
nem, ut habetur in Bullario Romano, Tom.

4. Pag. 63. & Paulus V. Gregorius XV. Alexander VII. & Innocentius X. Confirmarunt Clementis, & Urbani Constitutiones: Istorum Pontificum testimonia prætereo ne sim longus.

V. Tandem Innocentius XII. & Trid: Decreta, & Antecessorum Pontificum Constitutiones confirmavit, atq; adversus falsa, & erronea commenta roboravit, ac omnemq; tergiversandi & cavilandi radicem averroneavit. Decreta hæc habentur in Bullario ejusdem Pontificis Pag. 267. & seqq. Initium Decretorum hoc est. *Sanctissimus Ec. Ut regularis disciplina ad Religiosorum salutem, & totius Christiani populi adificationem utilitatemq; facta recta custodiatur, ac vigeat, ac sicubi collapsa est, adjuvante Domino, reparetur; constituit, & declaravit, se licentiam recipiendi Novitios in singulis approbatis Ordinibus benigne concessurum; dummodo tamen, qua pro regulari vita rectè instituenda, tam à Sacrosancta SINODO TRID: quam à prædecessoribus Nostriæ Romanis Pontificibus, præcipuè verd*  
*fel:*

*fel: record: CLEMENTE VIII. in Decretis Generalibus pro Regularium reformatione, necnon INNOCENTIO X. & ALEXANDRO VII. pro Novitiorum receptione, & Professorum educatione, salubriter constituta sunt: quibus omnibus firmiter inhaeret Sanctitas sua, eaq; quatenus opus sit CONFIRMAT, & renovat, (salvis tamen in hac parte singulorum Ordinum Statutis, seu alijs ordinationibus, ab Apostolica sede in FORMA SPECIFICA, post eadem decreta forsitan approbatis, aut editis) exacte, & inviolate servantur.*

VI. Omissa fuerat in disciplina Apostolicomonastica illa periocha (*salvis tamen in hac parte &c*) Utpote non necessaria, tum quod non exactam communitatem spectat, tum quod de approbatione in forma specifica sermo est, qua approbatione compertum est, nullas Regularium Constitutiones peculium permittentes post Clementem VIII. fuisse confirmatas. Hoc jamjam clarius patebit. Quæ sequuntur igitur causam dirimunt.

VII. Quocirca Sacra Congregatio ab eodem Sanctissimo Domino nostro, super disciplina regulari specialiter deputata --- de mandato Sanctitatis sue presentis Decreti tenore denunciat omnium & singulorum ordinum Regularium Superioribus, tam generalibus, quam Provincialibus, quocumque nomine nuncupentur, ceterisque ad quos spectat, ut in una quaque Provincia, per Italiam & Insulas adjacentes, quam primum deponent, aliquos Conventus, quos magis aptos censuerint, vel unum saltem, ibique authoritate Apostolica statuant omnimodam observantiam Regule, & Constitutionum cujusque Ordinis, & Decretorum Apostolicorum, præcipuè verò EXACTE VI, TÆ COMMUNIS. Postquam verò Regularem observantiam, & signanter quoad EXACTAM VITAM COMMUNEM CUM AFFECTU stabilitam fuisse, tam eorumdem Superiorum Generalium, seu Provincialium relatione, quam præpositi, & Fratrum in præfatis Conventibus degentium, JUR JURANDO FIRMATO TESTIMONIO --- eidem Sacra Congregationi suffi-

sufficienter constiterit, tunc Sanctitas sua antedictam licentiam, quam hactenus distulit, Novitios ibidem recipiendi benigne concedet. - - -

Porro: ne Regularis disciplina, dum in Conventibus jam erectis statuitur, relaxetur in erigendis, & quod una ex parte constituitur, simul ex altera destruat; Sacra Congregatio, Sanctitate sua similiter approbante, statuit, atq; decrevit, nulla impostero Monasteria; Collegia, Domos, Conventus, aut alia Religiosorum loca fundari, erigi, aut quovis modo institui, debere, nisi sub EXPRESSA OBLIGATIONE EXACTÆ VITÆ COMMUNIS ab omnibus Religiosis ibi commorantibus perpetuò, & inq̃iolatè servanda, ac præterea nullas deinceps admittendas hujusmodi foundationes, nisi præter alia ad id requisita, prius legitimè constiterit, adesse annuos redditus, vel certam elemosynarum spem, quibus duodecim saltem Religiosi in EXACTA VITA COMMUNI commodè valeant sustentari.

VIII. Perpendat nunc, quæ sequun-

tur, qui contra me scribens ait *cute, & de industria præterisse supra indicatam periocham: Salvis tamen &c.* perpendat, inquam, quæ sequuntur in Decreto Innocentiano.

IX. Non obstantibus circa præmissa OMNIA & SINGULA Constitutionibus, & Ordinationibus, Apostolicis necnon quorumcunque Ordinum STATUTIS, consuetudinibus, privilegijs, cæterisque contrarijs quibuscunque.

Ad extremum eadem Sacra Congregatio regulares omnes, cujuscunque Ordinis & instituti sint, SANCTITATIS suæ verbis serid admonet, & in Domino obtestatur, ut omni mora postposita, sicut filios obedientiæ decet, ad Regulæ quam amplexi sunt, præscriptum, vitam instituant, & componant, decretisque Apostolicis pro ÆTERNA illorum SALUTE editis, sincerè, fideliterque pareant. Nec ab eorum obedientia inanibus interpretationibus, & fallacijs aut RELAXIONUM PRÆTEXTIBUS, AD EXCUSANDAS EXCUSATIONES IN PECATIS adduci se sinant.



nant. Sed Professionis suæ memores quæ se  
totos DEI manciparunt, obsequio, suscepta  
Christiana perfectionis iter, arduum quidem,  
sed divinæ caritatis dulcedine aspersum abje-  
ctis terrenarum rerum curis, alacriter prose-  
quantur.

X. Tandem ne prætextu silentij, &  
tolerantiæ Sedis Apostolicæ quipiam ho-  
nestare contrariam corruptelam posset,  
sequens edidit idem summus Pontifex In-  
nocentius XII. decretum insertum citato  
Bullario pag. 309. cujus initium est *Debi-  
tum pastoralis Officij*, in quo hæc inter a-  
lia habentur.

XI. Sicut non sine gravi animi nostri  
molestia, accepimus, tametsi decretorum hu-  
jusmodi observantia in plerisque Religiosorum  
virorum Monasterijs, seu conventibus, prospe-  
rè ac feliciter introducæta fuerit, atq; ex inde  
inibi uberior in dies electi Sanctorum operum  
frumenti messis benedicente Domino exurgat;  
non eosdem tamen alibi caeleste idem semen,  
afferat fructus, neq; enim cessavit, nec adhuc  
cessat humani generis hostis in agro DEI su-  
per

per seminare Zizania, qua Patrisfamilias se-  
mentem suffocant: hinc est quod nos propheti-  
ci illius moniti memores: Clama, nè cesses,  
quasi tuba exalta vocem tuam: ut constans  
anixaq; voluntas nostra inceptum opus hujus-  
modi peculiari studio, summaq; animi conten-  
tione, prosequendi magis ac magis innotescat,  
omnisq; TRANSGRESSORIBUS VA-  
NO, FALSOQUE SILENTIJ NO-  
STRI PRÆTEXTU, sese excusandi occa-  
sio penitus pracidatur, motu proprio prædictam  
Congregationem Cardinalium, & Prælatorum  
super disciplina regulari, tenore præsentium  
perpetuo approbamus, &c. --- ipsius autem  
Congregationis à nobis sic confirmata faculta-  
tes istæ esse debeant, --- designandi, ac  
deputandi pro Novitiis, & Professuris Con-  
ventus, Monasteria, Collegia, ac domus &c.  
--- Decreta tum fel. record: CLEMEN-  
TIS Papæ VIII. Prædecessoris Nostri super  
Reformatione Regularium --- EXACTÆ  
VITÆ COMMUNIS, observantiam pro-  
movendi, atq; ad hunc effectum dumtaxat no-  
vas quorumcunq; Conventuum, Monasterio-

rum, Collegiorum, & domorum hujusmodi fundationes diligenter examinandi, ne ulla scilicet in posterum Religiosorum virorum loca fundari, erigi, aut quovis modo institui contingat, nisi in quibus eadem VITÆ COMMUNIS juxta ultimum dictorum Decretorum prescriptum perpetuo & exacte servari valeat &c.

Non obstantibus &c: quorumvis Ordinum Congregationum, Societatum, & Institutorum, alijsq; quibuscvis etiam juramento firmatis, CONFIRMATIONEQUE APOSTOLICA, vel quavis firmitate alio roboratis Statutis, & consuetudinibus, privilegijs quoq; indultis, & litteris Apostolicis ejusdem Ordinibus, Congregationibus, Societatibus, & Institutis, illorumq; Superioribus, & personis, ac alijs quibuscvis sub quibuscumq; verborum tenoribus, & formis, ac cum quibuscvis etiam, derogatoriarum derogatorijs, alijsq; efficacioribus, efficacissimis, & insolitis clausulis irritantibus, ac alijs Dēcretis in genere, vel in specie, vel alijs quomodolibet in contrarium concessis, confirmatis, & innovatis &c.

XII. Tandem Innocentius XII. Congregationem peculiarem instituit quæ juramentum exactæ communitatis servandæ præstandum à Regularibus recipiat, antequam facultatem impertiat admittendi ad Religionem. Opere pretium existimo subijcere istius formam juramenti. Est autem tenoris sequentis:

*Exemplar formularij quod iurant Regulares servanda exacta communitatis.*

Nos infra scripti fidem facimus, & in VERBO VERITATIS testamur, quod in hoc Conventu N. stabilita est PERFECTA BONORUM COMMUNITAS & omnia Bona fratrum particularium, tum quoad OMNES PECUNIAS, tum quoad vestes & alia, sive sint census vitalitij, sive eleemosyna, ex predicationibus, sive undequaq; provenientia, OMNIA SINT CONFUSA, cum Bonis & redditibus Conventus, & ipsis in corporata juxta Decreta Sanctæ memoriæ CLEMENTIS VIII. & INNOCENTII XII.

&

**¶** Sacra Congregationis Disciplina, ita ut ex ipsis omnibus equaliter provideatur, tam tempore sanitatis, quam infirmitatis. Et est stabilita Vestiaria Communis, in qua reposita sunt omnium fratrum vestes, ac omnia quæ ad communem usum sunt: ex qua Vestiaria omnibus equaliter providetur juxta uniuscujusque fratris indigentiam. In hoc etiam Conventu ultra Bonorum supradictorum perfectam communitatem, viget Regularis observantia secundum rigorem Constitutionum nostrarum. Et Novitij in hoc Conventu Religiosè enutriuntur, & educantur in omnibus exercitijs ad statum Religionibus nostræ spectantibus, & tam de die, quam de nocte probantur. Quare humiliter supplicant infrascripti, cum JURAMENTO, omnia supradicta affirmantes, Sacra Congregationi Disciplina regularis, pro licentia recipiendi juvenes ad habitum. Actum die Sc. Sc. Sc.

**XIII.** Hoc est juramentum quod Sacra Congregationi super Disciplina Regulari exhibent Regularium Superiores quoto biennio, aut triennio, ut facultatem

re-

recipiendi Juvenes ad habitum Religionis ab eadem Sacra Congregatione obtineant. Hypothesim formemus, in qua Romana Sedes possit, & velit præcipere vitam communem, omni privato peculio vacuam. In hac hypothesi possetne clarioribus verbis, luculentioribus, & urgentioribus clausulis uti præjis, quas adhibuit in rescriptis decretis? Quo ergo se recipient oppositum opinantes? Invenire ne possunt ipsi aut expressiones luculentiores, aut formulas efficaciores, præcipiendi aut exactæ communitalis observantiam? Negabunt ne Romanæ Ecclesiæ potestatem præcipiendi perfectam rerum communitalitatem? Nulla hic ad effugium rima patet.

## CAPUT V.

*Communitate sublata, nec votum obedientiæ,  
nec Regularis discipline observantia  
consistere diu valent.*

2. **V**iolatio paupertatis: est scopulus ad quem facillimè impingunt viri claustra-

strales. Hinc tam antiquæ, quàm posteri-  
ores Religiones passæ sunt plus & minus  
relaxationem. Nihilominus Sacrorum Or-  
dinum Institutores non modo hanc pau-  
pertatem exacta vita communi circum-  
scriptam non mitigarunt, sed fortioribus  
præsidij munierunt. Ordines Mendican-  
tes videntes collapsam disciplinam mona-  
sticam ob redundantes divitias, rejece-  
runt divitias, & redditus etiam in communi  
possidendos, & mendicato vivere statue-  
runt. His succedere Clerici Regulares,  
qui collapsam Mendicantium disciplinam  
spectantes, ne huic vicissitudini obnoxij  
& ipsi essent, paupertatem adeò severam  
præscribere, ut alij nec pro Missarum ce-  
lebratione oblationes recipere, alij nec  
petere eleemosynas statuerint. Cur hoc?  
Paupertatis Consilium liberum est. Divi-  
tias possidere nihil absolutè mali præfert.  
Sacrorum Ordinum Patriarchæ tot sæcu-  
lorum experimento didicere itius vitæ  
communis observantiam difficillimam es-  
se, & facillimè à voventibus violari. Illo-



rum caritatis erat; hanc temperare paupertatem, peculia, & census vitalitios permittere, ut hac via occasiones peccandi à subditis suis removerent. Quando enim lex de re libera & innoxia, difficilè à subditis servatur, sapientis legislatoris est, aut eandem tollere, aut eam temperare, & communi usui accommodare.

II. Contra, Omnes ad unum Patriarchæ non modo paupertatis legem non relaxarunt, sed severius eam roborarunt, & novis præfidijs munierunt. Cur nemo SS. Patriarcharum peculia, & redditus privati Religiosis concesserunt? Cur illa severissimè prohibuere omnes nullo excepto? opponant mihi vel unum Patriarcham qui peculia, & redditus privatos concesserit; & fasces illis submittere, atq; victoriam canere volo.

III. Quid ergo causa est, cur omnes Sancti Patriarchæ huc conspirarunt, ut unanimi consensu, hoc paupertatis, votum restringerent, arctarent, atq; omnino excogitabili modo firmarent? Quia sublata

com.

communis vitæ paupertate, concidat exactæ obedientiæ votum, & disciplinæ regularis observantia necesse est. Siquidem Professio vitæ Regularis ad paupertatem quod attinet, contractus mutuus est, ut indicavi, vi cujus subditi omnia bona & præsentia, & futura, solenni ritu Religioni cedunt; Religio vicissim eodem Sacro vinculo se astringit alendi, vestiendiq; subditos tum sanos, tum infirmos. Si Religionum Prælati oppignoratam fidem non solvunt, subditis omnia necessaria ministrantes, necessario consequitur, subditos obedientiæ vinculo solutos esse, quantum ad comparanda ea quæ pro victu & vestitu necessaria sunt. Ergo sublata communitate, obedientiæ votum, atq; adeo ipsa disciplina Regularis corrui.

IV. Industriæ, labores, media quæ subditi adhibent ut peculium acquirant, sæpissimè Religioni non congruunt. Si Prælati impedire ea pertendant, subditi jus naturæ opponunt sibi prospiciendi in victu & vestitu à Prælati non collato.

C

Quan-

Quandoquidem in claustris, à quibus exulat perfecta communitas, pro vestibus aliqua summa traditur, alibi major, alibi minor, quæ pro integro non sufficit. Cellarum supellex integra saltem non datur; Pro itineribus, pro epistolis aut parum, aut nihil. Pro infirmitate curanda quædam, ut in hospitali, porriguntur; & qui non habent unde sibi subveniant, miserrimè langvent. Qui verò abundant, absit infirmis fratribus quidquam tribuant. Hinc alij in penuria summa decedunt, alij morientes plurimam pecuniam relinquunt; Quibus auxilijs compararunt ingentia peculia?

V. Fac Prælatos prohibere subolitis ineptis ne conciones habeant, quia ea morum probitate non sunt præcliti, quæ requiritur ut extra claustra Christianis exemplo sint, ne Monialium Confessiones audiant, ne se negotijs terrenis immisceant, ne patrocinia ambiant, ne vagentur per Civitates; continuo in clamant subditi; si hæc lucra amittimus, quis nobis vestes

stes, quis epistolarum, itinerum, infirmitatum, expensas solvet? Quis *chocolate*, quis *tabaccum*, quis tot alia aut necessaria, aut congrua porriget? Census vitalitij aut exigui, aut nulli sunt &c: communi patri-  
monio nobis non providetur: ergo naturæ jure, quod omne votum antecedit, hæc nobis comparare justè possumus. Quid hinc? Literarum rudes, morum integritate, vel prudentia destituti è claustris exe-  
unt, concionantur imperiti, Confessiones audiunt indocti, negotia tractant inepti. Illi favores & patrocinia aucupantur; isti præfecturas & officia ambiunt. Si Prælati intercidere velint, subditi opponunt, ut dixi, jus naturæ.

VI Mala, scandala, disciplinæ relaxatio, & alia absurda, quæ hinc profici-  
scuntur, nolo meis verbis exprimere. Dionysius Carthusius de Refor: *Claustr: C.* 16. hæc scribit: *Ex peculio tanquam ex venenosa radice multa peccata proveniunt, ut puta contumacia, superbia, contentio, partialitas, avaritia, vanagloria, invidia, mendacium*

*luxuria. Quoniam abundantes in peculio ad resistendum suis Superioribus fiunt audaces, nec disciplinam, & correptionem patienter suscipiunt, partialitates efficiunt, & interdum commessionibus, & ebrietatibus vacant, ex quibus ad vitia carnis labuntur, & votum suum de Castitate servanda sceleratissime frangunt. Quid si nos hac scribendi libertate uteremur? Similia, & graviora absurda ex peculio manantia describunt Trithemius, Nyder, S. Antonius, Cajetanus, & communiter Theologi. En rationum momenta cur SS. Patriarchæ etiam ultimæ ætatis pecculio bellum indixere. Alias austeritates, ut jejunia, vestitum asperum, & plura alia pænitiæ exercitia aut liniunt, aut sustulerunt. Communitatem verò bonorum, licet agnovissent fuisse lapidem offensionis ad quem plures impegerunt, non modo non liniere sed, ut dixi, severius illam præceperunt: quia hac exalta bonorum communitate sublata, corrumpitur et universa disciplina monastica oportet.*

## CAPUT VI.

*Quam hostiliter pugnent cum voto paupertatis  
monastica census vitalitij. Excusationes  
& sophysmata quibus incrustari  
peculiorum corruptela solet.*

I. **D**ivitiæ & paupertas evangelica non minus opponuntur quam castitas, & luxuria. Quare Christus dixit: *Si vis perfectus esse, vade, vende qua habes & da pauperibus.* Vendere, & retinere non ne invicem hostiliter pugnant? nonne hæc duo: vendere omnia, ut omnes Patres interpretantur, & ipsum Evangelium clarè & perspicuè edisserit: & retinere aliqua, Chymæram monstrosam constituunt? & tamen Chymæra hæc familiaris est. Antequam professionem juvenes edant, census vitalitios sibi reservant ditiores, aut minores, prout domesticum patrimonium permittit.

II. Reponunt: se reservare hos redditus non sibi, sed Religioni. Religio enim absolutum dominium horum edituum

habet; Religiosi verò purum merumq; usum facti ex licentia, & facultate Superiorum. Dominium autem, non merus usus facti cum paupertatis, voto pugnat. Rectè & venustè. Quid appetitiones nostras explet, & saturat, dominium, an usus? Dominium absolutè sterile est, & unicè appetitur propter usum. Si separet ab usu dominium, hoc futile, & vanum evadit. Ego facillime tibi perfectissimum dominium concederem, dummodo usum pecuniarum semper Religio haberet? Quid tibi dominium hoc in casu proderet? si maritus dominium, alter usum haberet uxoris, isne castitatem servaret? Maritus cum suo dominio continens esset & castus, alter cum solo usu facti venerem expleret.

III. Insistunt: Superior ad nutum revocare hunc usum valet Peregre. At nunquam revocat, ut experientia constat. Si revocare ad nutum Superiores peculij privati usum valent, cur reipsa non revocant? Cur communitatem exactam non invchunt? Cur Regulis, & tot Concilio-



rum, & Summorum Pontificum decretis non parent? Responsum pressum & perspicuum exhibito.

## CAPUT VII.

*De ludis Regularium, & alijs quæ cum voto paupertatis pugnant.*

I. **QUÆSITUM** I. *Licitò ne sunt Regularibus ludi alearum & sortis?* RESP:

Ludis, qui in jocosò sermone, factisq; ludicris sistunt, ut qui corpus exercent, quiq; ad spiritum exhilarandum, viresq; instaurandas directi sunt, indulgere Religiosos posse, omnes cum S. Thoma 2. 2. q. 168. a. 2. Concedunt.

II. Contra Theologi, & Regulæ omnes à Sede Apostolica approbatæ ludos alearum severissime Religiosis voto paupertatis devinctis prohibent. Nomine *aleæ* omnes ludi fortuiti intelliguntur. Quid quod ludi isti ipsis Christianis omnibus vetiti sunt; imò omnes ethnici Philosophi ludos ejusmodi execrati sunt ut Tom. 7. Theologiæ Christianæ palam feci.

Constitutiones O. P. ad carceris pœnam damnant Fratres, qui inventi fuerint ad *taxillos lussisse*, non secus ac reos carnis, fur-  
tiq; Ludus fortuitus solius avaritiæ, & desiderij ditescendi fructus est. Quid magis evangelicæ paupertati adversum, quam desiderium hoc divitias augendi.

III. QUÆSITUM II. An paupertatis voto repugnet, quod Regulares habeant instrumenta argentea, ut cochlearia, cultrum, furniculam, arculam pro tabacco, horologia, idq; generis similia? RESP: Hæc omnia Solenni paupertatis voto opponuntur, statumq; disciplinæ monasticæ evertunt. Paupertas enim & auri, argentiq; pretiositas directè pugnant. Comperta hæc sunt natura sua. Omnes Regulæ monasticæ usum auri argentiq; in ejusmodi instrumentis prohibent. Constit: O. P. dist: 1. C. 10. hæc præscribunt. Nullus Frater aut Soror Ordinis Nostri, cujuscunq; gradus (NB.) aut conditionis, existat, uti debet cochlearibus, & instrumentis aureis vel argenteis, aut etiam ex lapidibus pretiosis, sive in mensa, sive in  
cin-

cingulis, sive in cappis, cultris, vel eorum vaginae, sive in quocumq; alio genere rerum utensilium. Qui autem transgressores reperti fuerint, iisdem instrumentis omnino priventur; & illa communitati applicentur, & GRAVITER praeterea transgressores puniantur. Gravis puniatio gravem culpam supponit. Nec opponas, Constitutiones istas ad culpam non obligare. Utiq; ad culpam non obligant quæ extra vota sunt. At rescripta Constitutio votum paupertatis exponit. Votum autem illud ad culpam, & quidem gravem astringit. Usus ergo adeo communem damnare audes? Non ego, sed disciplina Regularis, sed vota, quæ distinxerunt labia tua DEO, præfata omnia detestantur. At Religiosi docti, & probi, his utuntur instrumentis?

Quid inde? isti gravius peccant, quia sua doctrina & probitate gravius scandalum Cæteris pusillis ingerunt.

## CAPUT VIII.

*Quàm gravis sit Prælatorum obligatio invehende communitatis. Quid agere debeant Regulares degentes in Claustris, ubi pulsa vita communi peculia serpunt. Et an iuvenes suscipere habitum Religiosum in his locis licitè queant?*

I. **QUÆSTITUM I.** Sunt ne in continuo statu peccati mortalis Superiores Regulæ, qui sincero animo, & totis viribus non conantur instaurare vitam communem ubi collapsa est? **RESP.** Affirmant omnes Patres, omnes Regulæ Monachales, Concilia omnia, & tandem ex adductis Constitutionibus pontificiis id luculentissimum est. Si ratiociniis meis, quantumvis validissimis id confirmarem, rigorismi, & infamatoris censuram non declinarem. Quare in medium adducam quæ non modo viri Sancti, sed alij non tantæ existimationis Theologi docent.

## II. Divus Antoninus (3. p. tit 16.

Cap. 1.) Satis credo quod qui se reperiunt in Monasterijs, ubi non vivitur in communi, si Prælati sunt, & non faciunt quantum est eis possibile sine notabili scandalo ut vivatur in communi, eos non esse in statu tuto.

III. Joannes Excuria (in trac: de refor: p. 3. a. 2.) omnes Prælati tam majores, quàm minores, singuli videlicet respectivè pro sui dignitate, officio, commissione, aut facultate, de debito justitiæ tenentur subditos suos Religiosos deformatè viventes, ad vitam Regularis observantiam reformare. De ipsorum enim manibus sanguis subditorum requiritur.

IV. Sylvester (verb. Relig. 6. § 7.) Si Prælatus non facit quantum potest sine magno scandalo, ut vivatur in communi, non est in tuto statu arg. dist. 82.)

V. Ludovicus Lopez de Texeda (lib. 2. trat. 2. Cont. 7. dub. 2. n. 24.) addo, Religionum Prælatos ex meritis Officij teneri debitam adhibere diligentiam ut Religiosi subditi vitam transigant in communi, & i-

deo tenentur valde esse solliciti de necessarijs illis conferendis, pro victu, & vestitu. Quare si illa non tribuant, cum commodè possint, peccant mortaliter, & sunt indigni Prælatorum officio, & debent deponi: quia tribuunt ansam Religiosis ut peculia quarant, & votum laudabile paupertatis infringant.

VI. Thomas Sanchez (in Dec. lib. 7. C. 19. n. 27.) Tertio deducitur, non esse in bono statu Prælatus, qui inquantum potest absq; gravi scandalo, non nititur Religiosos vivere in communi, ac superfluos usus vitare.

VII. Valentia (2. 2. disp. 2. q. 4. a. 4.) Quarto sequitur esse in malo statu, tam Prælatos, quàm subditos, qui non agunt vitam communem, quando ex redditibus communibus possunt sufficienter vivere.

VIII. Franciscus-Pellizarius (trac. de Monial. c. 4. Sect. q. 4.) Colligitur ex Sanchez asserente cum S. Antonino & Sylvestro, quod sicut Prælatus Regularium non est in bono statu, si quantum potest absq; gravi scandalo, non nititur, in communi Religiosos vivere; ac superfluos usus vitare; sic nec sunt

*in bono statu subditi resistentes, non quod nequeant sufficienter vivere, sed quod velint abundare, & liberior disponere. Hoc enim adversatur voto Paupertatis.*

IX. Joannes Baptista Lezana (quæst: Reg. Cap. 18. n. 14.) *Prælati qui in quantum possunt, non curant suos subditos vivere vita communi absq; peculio, aut proprio, & superfluos usus vitare, non sunt in bono statu conscientie Ratio est: quia votum paupertatis id requirit, summiq; Pontifices, & Concilia id præcipiunt.*

X. Gabriel à S. Vincentio (de Just: & Jur. disp. 3. q. 10 n. 132.) *Superior peccat graviter non providendo subditis de necessarijs, tum quia præbet occasionem relaxationis Religionis dando occasionem introducendi peculium, tum quia privat subditos jure quod habet ad bona Monasterij.*

XI. Thomas à IESU (specul. Relig. par. 4. Cap. 2.) *Concludo Prælatum mortaliter peccare, qui non curat, ut communis vite ratio in monasterijs servetur. Idem esto judicium de eo, qui communem vitam jam la-*



natam, quantum in se est, ad pristinam observantiam non conatur reducere, quin etiam ipsi subditi, qui Prælati vitam communem restaurare volentibus contradicunt, eadem culpa mulcentur. Primò: contrariantur ipsò factò Decretis Conciliorum, & Pontificum, à quibus hujus vitæ observantia distictè præcipitur. Secundo: quia ubi vita communis non observatur; Monachi variis animæ periculis circa transgressionem voti paupertatis exponuntur. Tertio: quia communis vitæ observantiam Prælati reformare negligentes contraveniunt justitiæ legali, quia ex officio tenentur bono communi consulere. Insuper dispensatione sibi commissa abutuntur, & peccant contra fidelitatem, & sæpe contra justitiā distributivam.

XII. Servatius Lainvelz gravissimus unaq; piissimus auctor in sua optica Regulari: (spec. 12) Certum mihi est, esse in continuo peccato mortali eos Prælatos, qui quantum possunt, sua Monasteria non reformant, quicquid ad vitam communem Religiosos suos, quantum possunt, non reducunt.

XIII. QUÆST. II. An subditi Regu-  
la-

*lares resistentes introductioni vite communis, pulsatis peculiis, sint in statu peccati mortalis?*

RESP: Ex ijs quæ dicta sunt, patet evidenter resolutio, propositæ quæstionis. Nihilominus in maiorem confirmationem, quæ docent & citati, & alij auctores, subiiciam.

XIV. D. Antoninus (3. p. tit. 16. c. 1.) *si subditi sunt, & resistunt huic bono dum attentatur, non quia non possunt vivere sufficienter, sed quia volunt abundare, & de suis suo modo facere, videntur esse in malo statu, cum seculariter vivant, & velint in malo statu perseverare.*

XV. Cardinalis de Turre Cremata in Regulam D. Benedicti (Tract. 94.) *Gravissimè peccant, qui reformationi huiusmodi abusu temerè resistunt in Monasterijs, & se, & alios defendunt, ne ab huiusmodi labe purgentur.*

XVI. Sylvester (v. Rel. 6. §. 7.) *subditi verò dicta communitati resistentes, non quia non possunt sufficienter vivere, sed quia volunt abundare, videntur esse in malo statu.*

XVII.

XVII. Thomas Sanchez (lib. 7. Cap. 22 n. 27.) *Similiter peccant mortaliter subditi dantes peculij causam, resistendo vitæ communi, cum illis necessaria ministrentur, & similiter graviter murmurando, & magis querelas fundendo.*

XVIII. Lezana (quæst. regul. Cap. 6. n. 60.) *Addendum tamen est, & valde notandum, Religiosos paratos esse debere ad recipiendam reformationem; & introductionem vitæ communis, si à Prælatiis denovo institueretur, seu restauretur, nec posse ullò modò resistere sub gravissimo peccato mortali. Ratio est, quia cum vitæ communis obliget sub peccato mortali omnes. Religiosos, ab illa excusari non possunt, nisi quia Prælati Monasteriorum non provident illis de necessarijs ad victum unde constando prædictis necessitatibus, sufficienter providendum fore, nulla remanebit ratio excusationis. Et hæc est communis ratio Theologo?*

XIX. Thomas à IESU (Specul. Relig. p. 4. C. 2.) *Graviter peccare dixi, quia nolunt reformationi vitæ communis acquiesce-*

*re, nempe propter grave damnum emergens ex eorum contradictione.*

XX. Franciscus Lopez (lib. 2. tract. 2. contr. 7. dub. 7 n. 24.) Religiosi autem tenentur ex merito suae Professionis & status de communi vivere, & contenti esse his, quae à communi ministrantur.

XXI. Angelus Pistachius Castelli (tr. 4. de voto pauper C. 4. n. 5.) Subditi resistentes vitae communi, peccant mortaliter.

XXII. Aliefferia (Orig: Monast: lib. 1. C. 15.) Monachi compelli possunt ad reformationem juxta praescriptum Regulae quam professi sunt. Nec tueri se possunt in observantia longi temporis, quia contra ea quae sunt de substantia vitae regularis, nulla est praescriptio temporis, neque dispensatio.

XXIII. Emanuel Rodericus (Tom. 2. q. 53. art. 3.) ubi relato Tridentini decreto) §. 25. Cap. 2. (haec infert. Ex qua decretali colliges, quod Religiosi debent, & tenentur reformare seipsos ad praescriptum Regulae quam professi sunt. & art. 4. Peccant

*Superiores negligentes instruere, seu reformare, & magis contravenientes reformare volentibus, & etiam singulares impediētes ea, quæ contraveniunt menti, & verbis Concilij, quod est peccatum.*

XXIV. Caramuel in Reg. D. Benedicti n. 630. Qui vota emisit in Monasterio irregulari, hoc est; ubi contra Regulam abusus irrepserant, tenetur reformationi subjacere, & obedire Antistiti abusus illegitimos eliminanti. Sic loquitur Caramael, & in hac controversia aded sibi constat, ut in Theolog. Regul. n. 631. hæc scribat. *Quam periculose se fallant, qui existimant ex vi voti non teneri ad vitam communem, eo quod tempore sua Professionis non servabatur in Monasterio.*

XXV. Ultimi loco adduco Capitulum Ordinis Præmonstratensis, sub doctissimo Joanne de Paigè celebratum, quodve insertum habetur in Bibliotheca Præmonstratensi (lib. 5 pag. 1019.) Reverendus Dominus Abbas Religiosos suos ad vitam communem reducat, revocetq; --- &

ne quis sibi in hoc blandiatur, & Superiorum obtrudat licentiam, audiat Innoc. III. in Cap. cum ad Monasterium: Nec existimet Abbas, quod super habenda proprietate possit cum aliquo Monacho dispensare - - - & Concilium Trid: Sess. 25. in Decreto de Regularibus &c. Quo fit ut sint in malo statu, labanturq; turpiter tam Prælati, quàm subditi Religiosi, per quos stat, quo minus omnes in Monasterio vitam communem ducant. Quid plura? Vix vel unicum alicujus nominis Theologum reperire licet, qui oppositum doceret.

XXVI. Ex his omnibus hoc pacto concludo. Juxta commune Theologorum placitum; Prælati Regularium sub gravissimo peccato mortali tenentur pro viribus vitam communem peculio vacuam invehere. Hæc prima propositio certissima est. Secunda. Omnes subditi ex lege ad peccatum mortale obligante tenentur animo parati esse ad vitam communem peculij expertem suscipiendam, ut communiter omnes vel benigniores docent. Ergo alterutrum necessario consequitur. Aut  
Præ-

Prælati in extremo damnationis periculo versantur, propter ea, quòd præceptum gravissimum introducendæ vitæ communis pro viribus implere non conantur; aut subditi sunt veri proprietarij, quòd Prælati suis invehere bonorum communitem satagentibus resistunt, vel contumacem obsistendi voluntatem produnt, ob cuius repugnantia scandalum vitandum, Prælati ab implendo officio suo desistunt. Nullus hic tergiversandi locus superest, Si plura cupis lege *Discipl. Apost. Monast. Diff.* 3. c. 4.

XXVII. QUÆSTIO III. *Quomodo se gerere debeant Regulares, qui in ijs Conventibus commorantur, ubi sublata vita communi, peculiorum pestis serpit, ut propriae consulant saluti?* RESP. Rationem propriae conscientia dirigendæ & peculij habendi vix ego designare valeo. Rescribam quæ celeberrimus Joannes de Turra Cremata Card. in commentarijs in Reg. S. Bened. Cap. 94. docet his verbis.

XXVIII. *Gravissimè peccant, qui re-*  
for-



culo formationi hujusmodi abusuum temere resistunt, & se, & alios defendunt, ne à tali labe purgentur. Ratio est: Quia isti sunt formaliter contemnentes remedia suae salutis. & tale peccatum est in Spiritum Sanctum. Unde illi qui vivunt in Monasterijs deformatis, quintuplicis sunt generis. Quidam enim dolenti & amaro sunt animo, quod non vivunt in observantia, ex animo tamen aspirant ad reformationem. Alij sunt, qui nolunt aliter vivere, & sic ut sunt malunt manere, nollent tamen Superioribus resistere, si vellent reformare. Tertij sunt, qui positive sic vivere sub deformatione volunt, ut omni reformationi pertinaciter resistent. Quarti inveniuntur neutrales, in omnem partem incurij de modo vel sic, vel aliter vivendi. Quinti sunt, qui apparent bonae voluntatis, & se reformare intendunt; sed aut quadam animi fragilitate, aut quia nullum modum consentaneum reformationis sibi intendunt, differunt, & semper inducias captant.

Inter hos omnes Religiosos secundi & tertij generis, qui deliberate reformari nolunt, si-

sive resistent, sive non, si sic usq[ue] ad finem  
 persistent, in statu sunt damnationis. De quar-  
 ti generis Religiosis dicitur, quod sunt sub pe-  
 riculo salutis, eò quod in Schola Religionis,  
 non proficiunt, nec ad perfectionem tendunt  
 pro sui status exigentia, & incurj sunt sua  
 salutis. De quinti generis Religiosis, apparet  
 periculum suæ salutis, propter tepiditatem af-  
 fectus, & quia discrimini se exponunt, & pu-  
 fillos scandalizant.

Religiosi primi generis, qui vivunt in  
 locis deformatis, ubi Regula non servatur, cum  
 proposito se reformandi, si valerent, ut securi-  
 us vivant, & tutius saluti suæ consulant, hæc  
 omnia facere tenentur.

1. Laborare pro alio Conventu, ubi re-  
 gulariter vivere possint, & illuc se transferre,  
 nisi forsan spem haberent. Satis certam proprij  
 loci reformandi ex eorum presentia.

2. Si locum reformatum habere non po-  
 terunt ut aliqua digna causa eum omiserint  
 super hoc doleant, & pro reformatione indu-  
 cenda, semper quod in se est, faciant.

3. Non seculariter vivant; Bona con-  
 cess-

cessa nonnisi cum licentia Superioris, & in usum necessarium disponant, cum proposito semper resignandi ad placitum Superioris, imò omne superfluum illi dando, aut potius ab alio rerum provisionem sine usu pecuniaris recipiendo.

XXIX. Quisq; astringitur declinare occasionem proximam violandi proprium votum; Quando autem occasio est necessaria, tunc adhibenda sunt remedia opportuna, ad evitandam legis transgressionem; Plurimis occasio habendi peculij necessaria est, cum isti remove illam nequeant. Hi ergo, ut sibi consulant, regulam propriam in victu & vestitu, abstinentiam, jejunia, & vestium asperitatem servant. Tantum peculij illis licitum est, quantum requiritur pro ijs rebus comparandis, quas Religio subministraret, si in ea exacta vigeret communitas. Quod superest, Religioni tradant cum cæteris bonis Cænobij confundendum.

XXX. QUÆSTIO IV. *Licetum ne sit juvenibus suscipere habitum Religionis, &*  
*pro-*

profiteri in ijs Claustris, ubi non servatur non  
 communitas rerum, & alia præcipua Regulari non  
 RESP: Negant communiter, omnes gra- sen  
 viores Theologi, S. Antoninus 3. p. tit. Reg  
 16. C. 2. inquit: Et ubi quis ex ignorantia, Fag  
 vel errore intenderet illam (Religionem) in-eret  
 gredi, in qua non bene vivitur, crudelitat na,  
 esset non reddere illum cautum. & à proposito ligio  
 suo revocare. Ut istius crudelitatis crimen &  
 declinarem, monere hac de re lectores Gra  
 volui. teri

XXXI. Cardinalis Cajetanus, 22  
 q. 189 a 9. hæc scribit: actus iste qui est Inst  
 inducere ad vitam Conventualem, est actus edigio  
 genere suo malus, quoniam inducitur quis a discipl  
 vitam reprehensibilem; Omnis autem vita re  
 prehensibilis mala est. - - - Unde vituperat Cap  
 bile est, non solum inducere, sed etiam ingresteri  
 di; & recipere ad vitam irregularem Personarum  
 nas, utriusq; sexus, quamvis hoc toleret per  
 missivè. Verùm Ecclesia post obitum Cira. e  
 jetani nullum non movit lapidem, ut imbsol  
 pediret receptionem juvenum, ubi exauctoritate  
 vita communis, & observantia Regularum non

non vigent, ut ex Clemente VIII. & Innocentio XII. supra vidimus. Cajetani sententiam confirmat, in 2. p. lib. 3. de Reg. can. Cum virum num. 48. Prosper Fagnanus. Martinus Navarrus. p. 2. Decret. C. 12. n. 45. citata Cajetani doctrina, concludit. Qui alteri suadet ingredi Religionem adeò laxatam, qualem modo dicemus; & ubi Regula perperam observatur, peccat. Graviora docent Nazarius, Nyder, & cæteri communiter.

XXXII. Ludovicus Lopez in suo qui est Instr. Conf. C. 43. docet: Inducere ad Re-actus Religionem, vel ingredi ad eam, ubi male ob-quis disciplinam Regularem vivitur, peccatum esse.

XXXIII. Sanchez lib. 4. in Decal. Cap. 16. n. 14. inquit. Illicitum est Monasterium illud ita collapsum, nec proximè reformatum ingredi quamvis ab Ecclesia toleretur.

XXXIV. Paulus Layman Lib. 4. Cap. 5. C. 6. n. 5. scribit: Qui religionem ut imbecillitate vovit, is non tenetur, imò neq. licite excommunicatus ingredi ordinem, cujus regularis disciplina collapsa est. ejusq. Professi pleriq. male non

vivunt, ut ne substantialia quidem vota observent. Ideoq; ingredienti perversionis periculum immincat, ut docent Cajetanus Major Navarrus, Valentia, Rodriquet, Sanchez Lessius.

XXXV. Leander hæc trac. i. de jur. quest. 14. & 15. docet: An prædictus vivens, ingrediens Religionem quoad substantialia collapsam, non solum non satisfaciat voto, verum etiam mortaliter peccet? Respondeo dicendum, quod non solum non satisfaceret voto, sed quod denuo peccaret mortaliter, ob perversionis periculum.

XXXVI. Salmanticenses trac. 15. cap. 2. pun. 1. n. 1. hæc inquirunt; Caterum pro comperto habemus, non satisfacere (voto ingrediendæ Religionis) ingrediendo Religionem relaxatam, & quoad principales obligationes collapsam, nisi fortè spes subsit proximæ reformationis. Quia talis Religio non meretur nomen Religionis, nec ad perfectionem conducit, sed ad perditionem; nec in eam ingrediendo pericula fugerentur, sed majora fortè amplecterentur. Eadem docent Passerius

ntus, Martinez de Prado, Lezaxa, Cassianus à S. Elia, Rotarius, Bonacina, & communiter omnes. Consule *Disciplinam Apost. Monast. diff. 15. Cap. 13. & Defens. Decret. Concilij Trid. Diff. 2.*

XXXVII. Religio schola Evangelicæ perfectionis est. in qua facilius ad optatum bravium pervenitur. Religiosi veluti rheda, & curru ducti ambulant ad pallium assequendum. Christiani in sæculo pedites iter agunt, undiq; scopulis & laqueis circumsepti. Si currus sit optimè ordinatus bene clausus & fortis felicissimè ambulant viri Religiosi. Contra si currus sit perturbatus, læsus semifRACTUS, tunc infeliciores sunt illi qui tali curru incedunt & in graviori periculo versantur, frangendi crura, brabia capita, quam Christiani qui pedites ambulant.

XXXVIII. QUÆST: V. *Utrum habere redditus redundantes in communi pugnet cum voto paupertatis:* RESP: S. Thomas 2. 2. quæst. 88. art. 7. respondet. *quod habere superabundantes divitias in com-*



communi, siue in rebus mobilibus, siue immobilibus, est impedimentum perfectionis, licet non totaliter excludat eam; habere autem de rebus exterioribus in communi siue mobilibus siue immobilibus, quantum sufficit ad simplicem victum, perfectionem Religionis non impedit, si consideretur paupertas, per comparationem ad communem finem Religionum, qui est vacare divinis obsequiis.

XXXIX. Extrema diligentia, summa cavenda in hac materia sunt. Victum & vestitum præbere Superiores, ad normam propriæ Regulæ debent: caritas in hac provisione elucere debet. Victus non debet delicatus esse, sed diligenter & opportune paratus, ut decet regularem sobrietatem. Vestitus quoq; promptè tradatur. Infirmorum cura magna habenda est. Aliud extremum divitiarum etiam in communi possidendarum vitandum est. Non ob paupertatem, sed ob divitias Religionēs omnes naufragium passæ sunt. Pauperes ne IESU Christi ejusq; Discipuli & comites dicendi essent, qui superba ædi-

ædificia, splendida palatia, qui ingentes  
reditus possiderent? Si talia peragerent,  
proculdubio Religionis relaxationem, &  
& perversionem inducerent. Religio e-  
nim Christi IESU & redundantes, divitiæ  
contradictoriè opponuntur.

## CAPUT IX.

*De voto Castitatis & Obedientia.*

1. **QUÆST. 1** *Quid sit votum Castitatis  
Religiosæ? RESP.* Est abstinentia per-  
petua ab omni actu venereo, tam interno quam  
externo. Sacerdotes peccantes contra hoc  
votum augent malitiam ob duplicem titu-  
lum seu vinculum, quo Sacerdotes ob-  
stringuntur, castitati servandæ. Hujus vo-  
ti observantia à modestia oculorum à so-  
litudine, à carnis mortificatione, ab otij  
declinatione plurimum pendet. Quare  
qualibet Religio & jejunia, & victus tem-  
perantiam & alias virtutes plus & minus  
præscribit in castitatis præsidium. Renun-  
ciant divitijs ut animum ab affectu pecu-  
niarum immunem conservent. Separantur

à sæculo ut ablata omni occasione facilis castitatem custodiant quam observare & ipsi Christiani in medio laqueorum mundi, & inter ipsa fæminarum præstigia, aut virginalem, aut matrimonialem astringuntur. Aspectus venereus & sola deliberata delectatio, luxuriosa æquè Christianum ac Religiosum virum in infernum detruunt, sola circumstantiæ sacrilegæ diversitate.

II. Virtus hæc veluti limpidissima chrystallus in putrido & luculento corpore defertur. Facillimè bitumen succenditur, & luxuriæ ignis ardet, & sulphureæ exhalationes castitatis candorem offuscant, nisi assidua vigilantia custodiatur. Concupiscentia dira fera est, quæ semper rugit, & revolutiones machinatur. Si initio heroico spiritu cohibeatur, & continua custodia freuetur, ejusmodi victoria facilis nunquam tamen eidem fidendum, quia versute, & ex insidiis suam orditur rebellionem. Concionatores, & Confessarii præsertim vigiles sint oportet. Hæc quippe

ratione ministerii frequenter feminas alloquuntur, A colloquiis spiritualibus initium ducitur; at nisi cautela summa adhibeatur, omnia in carnem desinunt. Confessarii habent suas filias spirituales, quibuscum familiares sermones texunt, Halitus ille Virginalis, simulque femineus, calida illa suspiria, & familiaritas paternitatis spiritualis cum filia spirituali fugienda sunt tanquam sibi basiliſci. Tractandæ feminae sunt, non secus ac personæ lue inquinatae spirituale alimentum porrigatur, & continuo separatio succedat, alioquin pestu luxuriæ suæ veneficia immittit. Verum quia innumerj libri sunt qui fusius hoc argumentum tractant; idcirco ab ulteriori abstineo sermone.

III. QUÆST. II. *Quid ratione voti obedientia præstare Regularis Obstringitur.*  
\*. Votum obedientiæ est oblatio propriæ voluntatis DEO facta, dum Regularis promittit obedire suis Superioribus in iis omnibus quæ hi juxta propriam regulam jubeant. Quare Regularis obedire tenet.

tur sub gravi culpa Superiorum præceptis. Quando Superior non præcipit, sed solum optat hortatur, etiamsi subditus non pareat, non propterea violat obedientiæ votum quia nullum transgreditur præceptum. Præcepta autem Superiorum de re gravi esse debent.

IV. Quatuor communiter conditiones pro exacta obedientia Sancti Doctores requirunt. Imo ut sit prompta executio ejus quod præcipitur: 2. ut interior voluntas accedat executioni externæ: 3. ut subditus proprium judicium in re dubia aut controversa submittat judicio Superioris. 4. cognita Superioris voluntate non est expectandum præceptum, sed implendum est quod Superior cupit. Hæ tamen conditiones ad majorem obedientiæ perfectionem requiruntur. Secus adejusdem virtutis naturam. Ad hanc enim, & ut peccatum, saltem grave evitetur, sat est ut reipsa subditus obediat, & exequatur impositum præceptum. Advertendum tamen, quod Superiores interdum præcepta  
su-

suspendunt, ut scandalum evitent, quia prævident subditos minime paratos ad implendum præceptum. Et tum subditi qui hæc obstitendi Superiorum mandatis argumenta perhibent, sunt in malo statu, & peccare mortaliter valent spectata, rei præcipiendæ gravitate. In his enim circumstantiæ spectandæ sunt.

V. Superiores jure præcipere valent ea omnia quæ intra confinia regulæ & Constitutionum continentur vel ad regulæ & Religionis conservationem & decorem indirectè etiam conducunt. Queunt etiam Prælati ea vetare quæ tendunt ad proprias leges violandas, & alia jubere quæ graviter expediunt Regulæ & Constitutionum observationi. Quare præcipere Superior potest necessitate urgente ut subditi inserviant Religiosis & Sacramenta ministrent Christianis peste infectis, præsertim si Religiosi ordinem profiteantur ad proximorum salutem procurandam institutum.

VI. In re dubia parere subditus te-

netur Superiori præcipienti, quia possessio fiat pro Superiore, ut communiter Theologi docent. Probabilistæ non nulli contendunt, subditos habentes pro se opinionem etiam minus probabilem liberos esse ab obedientia præstanda, quamvis opposita sententia probabilior stet pro Superiore. Et ita docere coguntur, admissio systemate probabilistico. Hinc verò luculentius apparet, quam sit auctoritati Superiorum, & optimo regimini seditiosus, atque perniciosus probabilismus.

VII. Superiores nihil supra aut contra Regulam præcipere valent subditis tamen non est legitimus iudex, num id quod Prælati jubet, sit contra, vel supra Regulam, nisi res evidens sit. Capitula Generalia præscribere, & condere statuta valent nova, quæ Ordinis & decorem augeant, & observantiam Regularem validius firment. Ad præfecturas quoque acceptandas & obeundas prælati urgere subditos suis præceptis jure queunt, nec ad acceptandas dignitates, vel Episcopatum extra Ordinem.



VIII. Graviter Regulares peccant, vel dum præceptum Superioris implere recusant, vel dum ejusdem vocem contemnunt, vel dum reformanti, abusus, & corruptelas, inventas contra Regulam & Constitutiones resistunt. Peccant venialiter si ea executioni demandare negligent quæ sciunt à Superiore præscibi, quamvis non sub præcepto, ut dum inculcant observantiam Regulæ & Constitutionum. Et licet Constitutiones natura sua ad culpam non obligent, re ipsa tamen nunquam deliberate violantur sine aliqua veniali culpa, qui vero ex habitu & consuetudine eas indiscriminatum transgrediuntur, ad tacitum contemptum se se disponunt, & contra præceptum aspirandi ad perfectionem peccant.

IX. Superiores qui Regulæ & Constitutionum transgressiones dissimulant, qui easdem pro viribus corrigere & impedire negligunt, aut ex torpore & negligentia, aut ex quadam conniventia, peccant mortaliter, ut Diana Salamanicensis.

ses La-Croix, & alii communiter docent. Superiores enim vi muneris sui destinati sunt ad legum custodiam, & universæ disciplinæ observantiam promovendam. Illorum negligentia in impediendis transgressionibus gravissimum detrimentum infert Religioni, Hinc enim gravissima proficiscuntur absurda, & hinc omnes Sacrorum Ordinum relaxationes manarunt. His quippe transgressionibus succedunt violationes votorum, scandala, castitatis jactura, & proprietatis pestes.

## CAPUT X.

### *De Tyrocinio, seu Novitiatu Regularium.*

1. **A**Ntequam Religionem juvenes solenni ritu profiteantur, debent per annum integrum habitum Religionis, & palam gestare. Libera autem, & non coacta sit hæc Religiosæ vestis susceptio necessarium est, Qui puellas cogunt ad hanc susceptionem, mortaliter peccant, & excommunicationem incurrunt, ut Tridentinum *Sess. 25. c. 18.* statuit. Qui autem

juvenes mares cogunt minis, peccant mortaliter, sed excommunicationem non incurrunt. Juvenes qui coacti tyrocini-um peregrissent, si libere professionem emitterent, validus fuisset Novitiatus. Annus hujus Novitiatus integer esse debet, ut Tridentinum *Sess. 25. c. 15.* præscribit, continuus & non interruptus. Qui per diem habitum dimitteret, & à clauastro exiret animo non redeundi, licet post diem rediret, Novitiatus interruptus diceretur; secus si per aliquot horas dimitteret, absque exitu è coenobio.

II. Jnepti jure naturæ ad Novitiatum ut sunt decrepiti, insani, habitua-liter infirmi gravi morbo, servi vere tales repugnante domino Conjuges post consummatum matrimonium sine mutuo consensu professi in altero ordine sine licentia Superiorum. Jure positivo recipi nequeunt Episcopi Archiepiscopi, qui sine expressa summi Pontificis facultate profiteri Religionem regularem nequeunt Ceteri autem Ecclesiastici liberi omnino sunt e-

tiam coræ animarum addicti ad profitem-  
dam vitam Regularem.

III. Pontifices summi plures edide-  
runt Constitutiones, quibus determinant  
conditiones recipiendorum ad ordines re-  
gulares Sixtus V. sua Constitutione *Cum  
de omnibus* prohibuit ne viri prætergressi  
annum sextum decimum reciperentur, nisi  
præmissa severa perquisitione de patria  
de acta vita de parentum qualitate. Quod  
si repertum fuerit illos latrocinia, aut alia  
similia scelera patrâsse vel suspectos de i-  
isdem esse, aut condemnatos vel pruden-  
ter timeatur condemnandos fore; si ære  
alieno, gravatos supra vires, vel ratiocini-  
is reddendis adstrictos unde lites & mo-  
lestiæ, prævideantur; prohibet ne recipi-  
antur, & professionem ab istis emissam  
nullam declarat Prælatos verò qui scien-  
ter ejusmodi receperint, privat voce acti-  
va & passiva, gradibus & præfecturis in-  
habileque constituit ad futuras dignita-  
tes, & gradus. Hanc Constitutionem al-  
tera Constitutione ejus initium est, *Ad*

*Romanam Pontificem* temperavit non quantum ad poenas, sed quantum ad crimina. Gregorius XIV. alia Constitutione dicta *Circum spectata* partim sustulit, partim auxit Sixtinæ Constitutionis moderationes. Et tandem Clemens VIII. Professionem reduxit ad terminos Juris communis. ita ut nisi aliquod Juris communis impedimentum obitet Professio valida, sit. Poenas vero intransgressores in suo reliquit vigore. Nunc tamen vi Constitutionis ejusdem Clementis VIII. Regulares recipere juvenes possunt etiam prætergressos annum decimum nonum exacto tamen juramento, quod neque criminosi, neque ratiocinijs reddendis obnoxii, neque rei furti, aut homicidii vel alijs impedimentis in Sixtina Constitutione recensitis ligati sint. Prælati qui ejusmodi scrutinium negligunt graviter delinquant & subiecti sunt Sixtinæ Bullæ poenis. Valida tamen Professio erit dummodo nihil contra jus commune repugnet.

## IV. Novitii omnium privilegiorum

Re-

Regularium participes sunt, cum sint sub potestate Religionis, & ejusdem onera sustineant. Quare sunt à jurisdictione Episcopi immunes, & privilegio fori gaudent. Possunt Superiores Religionis cum iisdem dispensare super præceptis Ecclesiæ, & eorum votis, quæ tamen implere, si habitum Religionis dimittunt, debent.

Contra si absolvantur à censuris, irregularitate, vel reservatione si exeant à Religione, quam bona fide amplexi fuerant, absoluti manent.

V. Si in anno Tyrocinii novitius decedat heres ab intestato ejusdē bonis succedit Donationes liberæ inter vivos, contractus, lucrosi, renuntiationes bonorum temporalium, officiorum, dignitatum, nisi fiant cum licentia Episcopi aut ejus vicarii duobus mensibus ante professionem irritæ sunt & nullæ, ut determinavit Tridentinum Bona quæ sibi obventura sperat Novitius, renuntiare potest Religioni quam Professurus est, etiam vivente Patre secus alteri determinatæ Per-

sonæ. Bonis quæ jure sanguinis obveni-  
unt Novitio, nisi ipse disponat juxta præ-  
scriptum Tridentini ante Professionem,  
uccedit ordo quem Professus est, si ca-  
pax sit bonorum immobilium.

## CAPUT XI.

*De Professione Regularium.*

1. **P**ROfessio Monastica, ut alias indicavi,  
contractus est quo homo semetipsum  
DEO offert in aliqua approbata Religio-  
ne solemnî ritu tria vota paupertatis, ca-  
stitatis, & obedientiæ emittendo coram  
Prælato consentiente, quique DEI nomi-  
ne hæc vota acceptat. Duplex est: *Expres-  
sa*, quæ verbis fit coram Superiore, & *ta-  
cita*, quæ signis & actionibus à jure statu-  
tis peragitur; ut si novitius expleto anno  
sexto decimo & integro anno sui tyroci-  
nii, exerceat actiones Professorum, eo-  
rumque habitum deferat, professionem ta-  
citam emittit, si tamen Prælatus consen-  
tiat, & ipse Novitius libere, non coactus  
seu nullo timore extrinsecus graviter in-  
cus-



cusso adductus id agat, adverteatque ejusmodi actionibus se tacitam Professionem incurrere, & habeat animum profitendi verum quamquam tacita hæc professio nuncupetur, reipsa expressa suo modo est.

II. Ut Professio Regularium legitima sit, requiritur legitima potestas, quæ residet, vel in Romano Pontifice, vel in Superiore Religionis, juxta Regulas peculiare cujuscumq; Ordinis. In hoc aut illo Ordine non sufficit solus Superior, sed necessarius est consensus majoris partis Patrum à consiliis vel Capituli. Si major pars istorum Patrum reluctetur, nec Superior illius Conventus, in quo est Novitiatus, nec Superiores majores possunt admittere Novitium ad professionem reluctantem verò Superiore immediato & accedente consensu majoris partis Patrum à Consiliis valent Superiores majores ut Provincialis vel Generalis admittere Novitium ad Professionem. Cæterum quilibet ordo suas consulere leges debet.

III. Plura sunt impedimenta quæ  
nol.

nullam reddere professionem queunt. 1. Aetas ante annum decimum sextum completum. 2. Si annus Novitatus non sit integer, vel ut inter ruptus. 3. Defectus libertatis, ut si servus repugnante domino profiteatur. 4. Matrimonium consummatum altero conjuge repugnante. 5. Episcopatus non accedente Pontificis licentia. 6. Nimia senectus, aut morbus gravis, non curabilis, impediens Regulæ observantiam. 7. diversitas sexus, ut si vir in Monasterio mulierem aut contra profiteatur. 8. Metus gravis injuste incussus. 9. Error circa essentiam status Religiosi. 10. Si desit animus se obligandi vel si ficto animo acceptetur à Superiore nulla est in foro conscientiae. 11. Tandem si contingat aliquis defectus qui vi Constitutionum talis Ordinis professionem irritet.

IV. Ut professio nulla ex parte utriusq; & Superioris acceptantis & Professi redintegretur, requiritur utriusque partis reciprocus consensus. Si vero nul-

la sit ex defectu consensus solius professi, tunc sat est ut ipse solus renovet consensum, ratamque habeat professionem emissam. Aliqua vero professio nulla esse potest ex impedimento quod non admittat remedium, quo sanari possit.

V. 1. Effectus professionis regularis est remissio omnium peccatorum etiam quantum ad poenam ut 22. q. 189. a. 3. ad 3. docet. D. Thomas cui subscribunt ceteri Theologi 2. Est ablatio irregularitatis ex defectu natalium pro sacris Ordinibus suscipiendis, secus pro præfectura exercenda. 3. aufert ingratitudinem filii adversus patrem qui exhereditare amplius filium nequit. 4. Dirimit matrimonium ratum & non consummatum. 5. Commutat vota in sæculo facta in professione: quæ commutatio per ipsam professionem fit Quare etiam si Professus frequenter negligeret observantiam jejuniorum, aliarumque austeritatum Ordinis, nihilominus commutatio facta consisteret. 6. Est provisio victus & vestitus quam reli-

ligio ministrare tenetur professis tum sanis, tum infirmis, eosq; educare in studiis juxta propriam vocationem altringitur.

VI. Tridentinum *Ses. 25 cap. 19.* facultatem Regularibus impertit reclamandi contra Professionem emissam tribus adjectis conditionibus 1. reclamatio & causa rescindendæ professionis ante elapsam à die emissæ professionis quinquennium instituatur: 2. Ne reclamans habitum Religionis deponat pendente causa reclamationis. 3. ut causa rescindendæ professionis instituatur coram proprio Superiore, & ordinario, qui sententiam ferre debet.

VII. Ut quis reclamare licite queat contra propriam professionem fundamenta habere certa debet, & evidentia. Qui enim dubius est, reclamare licite nequit, quia in dubio præsumptio stat pro professione Plura dicenda de hac reclamatione essent. Verum cum hæc omnia ad forum externum pertineant, & fuse tractentur à non paucis Canonistis, idcirco illa prætereo.

VIII.

VIII. Illud dumtaxat hinc colligant velim magistri novitiorum, quanta diligentia & vigilantia candidatorum vocationem expendere graviter astringantur. Causa princeps relaxatæ disciplinæ regularis est defectus vocationis divinæ ad illum sublimem statum profitendum. Siquidem plurimi non DEO vocante ut advertit Cardinalis Bellarminus *lib. 2. de gem. col.* sed aliis rationibus quas explicare non vacat, adducti huic sacrae militiæ nomina dant vae novitiorum præfectis, si oculos claudunt super hoc gravissimo negotio, ne propria claustra vacua remaneant & non vocatos ad professionem admittunt. Deficiente hoc primo Cœlestis vocationis fundamento, quid mirum, quin universum ædificium corruat. Castitas donum speciale Spiritus Sancti est ut intaminata servetur, gratia, non ab humana infirmitate vires expectans sed ut à DEO manans, victrix atque triumphans requiritur vocatione divina sublata deest gratia illa singularissima, & hac gratia destituti casti-

ant  
dili-  
ati-  
tur.  
gu.  
il.  
qui-  
er-  
em.  
non  
ina  
los  
tio,  
&  
ant.  
io-  
er-  
um  
ata  
mi-  
na-  
tur  
illa  
sti-  
-

tatem sacrilege polluant, deturpant, cor-  
rumpunt En expositam omnium malo-  
rum radicem. Cautissimi ergo sint Novi-  
tiorum Magistri in expendenda eorun-  
dem vocatione.

IX. Non me latet quod opponere  
isti solent, nempe mundum in maligno  
positum esse, & Christianorum mores la-  
xatos atque indies corruptiores fieri Ex  
hac silva transferendas in regularium Vi-  
ridaria plantas esse, quæ in grandine, an-  
tequam olivæ inferantur, percussæ sint,  
vix fieri potest ut fructus pariant, vita æ-  
terna dignos. Verum habet. Quam o-  
brem secernendæ sunt plantæ tunc ab in-  
fectis At sane reponis, paucae sunt &  
multiplicata claustra impleri debent. Ni-  
mis longus essem, si pro dignitate hanc  
discutere objectionem vellem. Vide *disci-  
plinam Apostolica: Monasticam P. 2. dis. 1.*  
*c. 15.* ubi fuse hanc difficultatem discus-  
sam invenies. Regularium propagatio, &  
perennis successio non carnalis sed spiri-  
tualis est à DEO descendens. Tu solos

vocatos ad professionem excipe, & cu- <sup>discip</sup>  
ram DEO relinque ut operarios mittat. <sup>scire i</sup>  
Si secus feceris, & te & alios periculo <sup>verò c</sup>  
terno pereundi expones. <sup>tiam s</sup>

## CAPUT XII.

*De Litterarum studio, in quod incumbere Re-*  
*gulares astringuntur: & que Methodus*  
*in scientiis addiscendis servanda.* <sup>re neg</sup> <sup>qui sci</sup> <sup>conten</sup> <sup>& per</sup>

I. **C**HRISTIANI omnes plus & minus, pro- <sup>tarem</sup>  
ut eorum conditio fert, Scripturis <sup>scriptu</sup>  
Sanctis dare operam debent. In hoc au- <sup>tis? N</sup>  
tem studium Regulares, & omnes viri re- <sup>vos pl</sup>  
bus sacris addicti incumbere gravissimelinq- <sup>linque</sup>  
astringuntur Joannes Trithemius inclitanda <sup>placi pa</sup>  
Sanctissimi Patriarchæ Benedicti Ordinis <sup>viam</sup>  
præclarorum virorum, non modo anti- <sup>quod j</sup>  
qua, sed etiam ætate nostra, DEO auspi- <sup>vobis</sup>  
ce fecundissimi Abbas *homil. 4. de studio* <sup>intellig</sup>  
sacrarum scripturarum, hoc pacto Mona- <sup>est ign</sup>  
chos suos alloquitur. Videmus inter vos <sup>it illu</sup>  
quosdam scripturarum ignaros instabiles men- <sup>vobis</sup>  
te. discolos. & vagos, quibus eo magis impa- <sup>di-</sup>  
tamus ignorantiam, quo minus inclinatur ad



cu. disciplinam. Turpe quidem est nescire quod  
 aittat, scire juberis, turpius non discere, turpissimum  
 lo & verò contemnere. Et sunt inter vos qui scien-  
 tiam salutarem nesciunt, sunt etiam qui disce-  
 re negligunt quid si addam esse & ad alios  
 qui scientiam Divinarum scripturarum penitus  
 e Re. contemnunt.

us Et paulo ante hæc habet. O stulti  
 & perditissimi Latrones, qui scientiam salu-  
 pro-tarem contemnitis, & ignorantiam Divinarum  
 turis scripturarum potius quam intelligentiam ama-  
 c au-tis? Numquid affectati ignorantia pautioribus  
 ri re-vos plagis reddet obnoxios? Aut propterea de-  
 ssimelinquentes, eritis coram DEO innoxii quia  
 ncliti mandatorum DEI voluntarie estis ignari? Du-  
 dinisplici pena cruciandi eritis: altera, quod scire  
 anti-viam mandatorum DEI contemnitis; altera  
 uspi-quod sermones DEI non custodistis - - De  
 studio vobis etiam, o stultissimi tenebriores. illud  
 ona.intelligitur S Hieronymi, quoniam ibi non  
 r vos est ignorantia jam excusabilis, ubi scitur quid  
 men-fit illud quod ignoratur magis autem cavendum  
 mpa.vobis ne cum illis tandem computemini qui  
 ur ad E di-  
 di.

dixerunt DEO: Recede à nobis viam sententiarum tuarum nolumus.

II. Neque illi solummodo culpantur sunt qui crassa, & supina ignorantia eorum quæ proprium statum spectant, insolenter laborant qui in sapore quodam contentissimo quam libentissime obdormiunt qui nec brachium, nec pedem movere volunt ut necessariam consequantur scientiam; verum illi insuper qui tempus perdunt in addiscendis artibus, scientiis disciplinis, quæ à scientia Sanctorum abducunt, quam potissimum comparare debent Claustrales Rescribere placet verbum Ludovici Granatensis par. 2. de voto c. 4. § 7. Quam multi hodie, studiosi sunt in mundo, & inter hos quam pauci qui discipuli sint IESU Christi. Et quod acerbissimum est illi ipsi qui, recente mundo relicto, amplectuntur Religionem, nem vel eo tempore quo debent expoliare veterem hominem, & huic se discipline impendere, cum vix DEUM

am si „ gustare cæperunt, atque ad eum cogno-  
 „ scendum ægre aperuere oculos collo-  
 „ cantur, inter gentiles Philosophos, &  
 „ in scientiis mundanis exercentur, ubi in-  
 „ longum tempus nec verbum de IESU  
 „ Christo auditur. Quod studium etsi pro-  
 „ pter mutationem temporum & hæreti-  
 „ corum perversitatem aliquo modo ne-  
 „ cessarium sit tamen tamquam magnam  
 „ plagam sæculi nostri & vitæ debemus  
 „ accipere utpote quod nobis tantum  
 „ temporis eripiat, & separet, atque exu-  
 „ les faciat tot annos, à salvatoris nostri  
 „ confortio. Præsertim si attendamus  
 „ quod dicit Gregorius Nazianzenus, o-  
 „ mnes illas Gentilium scientias & disci-  
 „ plinas tamquam plagas Ægypti ob pec-  
 „ cata nostra in Ecclesiam intrasse: Sed  
 „ cum misera temporum conditio nos ad  
 „ hanc necessitatem adegerit, congruum  
 „ illi tempus dandum, & assignandum fo-  
 „ ret, atque ita providendum ut ædifici-  
 „ um & fundamentum virtutis sic consti-

„ tutum esset, in animis eorum qui inci-  
 „ piunt, ut sustinendo isti oneri suffice-  
 „ rent. Sed quamdiu opus tenerum est &  
 „ infans Christianus adhuc gustat lac IE-  
 „ SU Christi, stultitia est ipsum illum ab-  
 „ luctare, & gustum illi dare librorum  
 „ gentilium *ubi non videt nisi argumenta,*  
 „ *subtilia, & plena fallaciis sophismata.*  
 „ Quid verò si bene expendamus, hoc est  
 „ aliud quam imitari crudelitatem Phara-  
 „ onis ruinam populi DEI Machinantis,  
 „ cum imperaret, ut quam primum Hæ-  
 „ bræus masculus nasceretur, suffocaretur  
 „ flumine & aquis Ægypti? *omnia* (inquit  
 „ sapiens) *tempus habent - - tempus am-*  
 „ *plexandi & tempus longe fieri ab amplexi-*  
 „ *bus.* Tempus illud amplexando DEO  
 „ debebatur, comparandoque amoris tam  
 „ forti, ut nullis aquis mundi suffocari  
 „ posset, & extingvi: quo facto paulu-  
 „ lum licebit ab ipsius amplexibus rece-  
 „ dere ut necessitatibus proximi intenda-  
 „ tur. Quid alias volebat DEUS nosse in  
 „ le-

lege, cum prohiberet ne sponsi, cog-  
rentur arma sumere & ad bellum pro-  
cedere? Quid significabat, cum vetaret  
operari in primogenito bovis, & non  
tondere primogenita ovium, nisi genus  
istud primo genitorum, de quo hic lo-  
quimur liberum esse à vinculis & one-  
ribus istis, ut totum se sibi & profectui  
suo impendat. Contra has leges omnes  
faciunt qui tempus istud suffurantur,  
studio veræ sapientiæ, & veræ scientiæ,  
ut totos se humanis scientiis addicant,  
si Hactenus sapientissimus Ludovicus  
Granatensis, cui nihil præter antiquita-  
tem deest, unde Pater Ecclesiæ nomine-  
tur.

III. Si temporum ratio coegit majores nostros quando Arabum Philosophia  
vigeat, doctrinæ Aristotelicæ operam da-  
re, ut ethnicos & supersticiosos viros  
propriis illorum armis confoderent, op-  
posita temporum vicissitudo urgere nos  
debet ut in ea incumbamus studia quæ

revincendis convertendisq̃ue hæreticis & malis Catholicis opportuna sunt Nullum in præsens apud sive ethnicos, sive Turcas, qui nos circumstant Philosophiæ studium: supina illi laborant ignorantia, parvoquæ opus est quo illa revincantur. Hæretici nunc sunt qui dogmata Catholica oppugnant, & Catholici non nulli scriptores, qui evangelicæ moralis regulas pia intentione & fabro opinandi modo præventi, vel nolentes humanis appetitionibus nimis accomodant. In illud ergo ut majores nostros imitemur, studium incumbendum, quod convellendis istorum erroribus opportunum est Credendis, & agendis constat. Theologia Christiana, & hæc duo consistere separata diu nequeunt.

IV. Methodus itaque, quam novitiis expleto Tyrocinii anno tenendam suggero (abiit enim ut tribunal erigeretur velim, illam ut Censor proponendo) hæc est. Paucis mensibus iusti ratiocinii, re-

icis & gulas addiscant ex Dialectica decerptas,  
Nullum missis tricis & cavillationibus Sophisticis  
Tur. quæ mentem corrumpunt, aut saltem pes-  
æ stu- simè disponunt. Regulæ istæ viam doce-  
a, par- ant inquirendæ veritatis, cum sola & u-  
r. Hæ- nica veritas sit via, quæ ad Cœlum ducit.  
holica Elapsis quatuor aut quinque mensibus, in  
i scri- hoc studio triennium illud quod insumere  
egulas in Philosophiæ studio solent, impendant  
modo in lectione Scripturæ Sanctæ, & historiæ  
etitio- Ecclesiasticæ. Optandum summopere ef-  
rgo ut set, ut aliquis cursum historiæ Ecclesia-  
m in- sticæ scholæ usui accommodatum, & in  
orum oportunos tractatus vel dissertationes di-  
dis, & gestum ederet. Præmittenda esset brevis  
na, & Synopsis historiæ veteris testamenti, pau-  
eque- cis sed oportunis disputationibus illustra-  
ta, Post perstringendum esse specimen  
novi historiæ Christianæ, ut scirent juvenes,  
endam qui fuerint heroes nostri, quæ illorum a-  
rigere- cta & gesta. Aliquæ dissertationes bre-  
hæc- vissimæ, in quodlibet sæculum adjici pos-  
j, re- sent; Opus illud simile esse deberet cur-  
gu- sui



sui Philosophico, cui substituendum in  
nuo, & triennio sicut ille, explendum.  
His praesidijs instructi juvenes, ad sacram  
Christianam Theologiam credendis & a-  
gendis constantem addiscendam accedant.  
Tum veri Theologi è Scholis discede-  
rent, hæc in transcurso judicavi sapien-  
tum judicio subjiciens.


V. Plurima alia de statu Religioso  
dicenda forent; sed compendij confinia  
transilirem, si ultra pergerem. Hæc itaq;  
dicta sufficiant, & in majorem DEI glo-  
riam cedant, Lectorumq; profectum.


AMEN.


Finis.

dum in-  
clendum.  
d sacram<sup>7</sup>  
dis & a-  
ccedant.  
discede  
i sapien

eligioso  
confinia  
ec itaq;  
El glo-  
tum.







Biblioteka Jagiellońska



stdr0026455

